

გაზეთი ზეჟნია, „ზეჟნია“ ღრითი

ვერსია



№34 (1576) 22 - 28 სექტემბერი ოთხშაბათი 2021 წელი

1 ლარი

ყოველკვირეული საზოგადოებრივ-პოლიტიკური გაზეთი www.versia.ge

ევროპაში „მოღვაწე“ ქართველმა „კანონიერმა ქურდებმა“ ნიკა კვარაცხელიას მკვლელების მოკვლის ბრძანება გასცა

შეუკვეთეს თუ არა „დათო ტბისისკის“ შვილებმა გია კვარაცხელიას ვაჟის მკვლელობა



ტოტალური დექარტევიზაცია – თუპირებული გალის სკოლებში ქართულ ენაზე სწავლა აკრძალეს



რა უნდა გააკეთოს სახელმწიფომ პრობლემის მოსაგვარებლად – ექსპერტების შეფასებები



„ეს თვითმკვლელობაა მიყვანის მცდელობა“ – ამირან სალუქვაძე ფარული ჩანაწერების სკანდალზე

„საქმე მასშტაბურ, წინასაარჩევნო მანიპულაციებთან გვაქვს!“

სამხედრო ოფიცერმა სამართალდამცავი მოკლა



მძევლად აყვანილი ხორცის საწარმოს დირექტორი და ჩაფლავებული ყაჩაღობა

როგორ გადაურჩა საქსუალური მანიაკი დახვრებას

სპეცსამსახურების საიდუმლო აგენტურის სკანდალური ანატომია



არსებობენ თუ არა ყოფილი აგენტები და რატომ არ ვიღებთ ლუსტრაციის კანონს



შინაგან საქმეთა სამინისტროს აკადემიის რექტორი ცესკო-ს თავმჯდომარეს შეხვდა



შინაგან საქმეთა სამინისტროს აკადემიის რექტორი, ივანე პაპიაშვილი და პრორექტორი, თემურ მალრაძე საქართველოს ცენტრალური საარჩევნო კომისიის თავმჯდომარეს, გიორგი კალანდარიშვილს, თავმჯდომარის მოადგილეს, გიორგი სიორიძესა და საარჩევნო სისტემების განვითარების, რეფორმებისა და სწავლების ცენტრის ხელმძღვანელს, ნათია ზაალიშვილს შეხვდნენ.

შეხვედრის ფარგლებში, ყურადღება გამახვილდა არჩევნების უსაფრთხო და მშვიდობიან გარემოში ჩატარებაზე, ასევე, სამართალდამცავ ორგანოებსა და საარჩევნო ადმინისტრაციას შორის ეფექტიანი კომუნიკაციის მნიშვნელობაზე. შსს-ს აკადემიის რექტორმა,

ივანე პაპიაშვილმა და ცესკო-ს თავმჯდომარე გიორგი კალანდარიშვილმა, არჩევნების უსაფრთხოების საკითხებზე პოლიციელებისა და საარჩევნო კომისიების წევრების ინფორმირების უზრუნველსაყოფად, კომპეტენციის ფარგლებში განსახორციელებელი თანამშრომლობის მექანიზმები განიხილეს.

რეფორმებისა და სწავლების ცენტრის დირექტორმა, ნათია ზაალიშვილმა შსს-ს აკადემიასთან პარტნიორობით განსახორციელებელი საინფორმაციო-სასწავლო პროგრამა – „არჩევნები და უსაფრთხოება“ წარადგინა, რომელიც წინასწარჩევნო პერიოდში და კენჭისყრის დღეს, საარჩევნო პროცესის უსაფრთხოების უზრუნველსაყოფად, რისკების იდენტიფიცირების, პრევენციული ღონისძიებებისა და დარღვევებზე რეაგირების მექანიზმების შესახებ საკანონმდებლო რეგულაციების განხილვას მოიცავს. პროგრამაში მონაწილეობას მიიღებენ შინაგან საქმეთა სამინისტროს სტრუქტურული ერთეულების მენეჯერული რგოლის თანამშრომლები. საინფორმაციო შეხვედრები 17-18 სექტემბერს, ონლაინ-ფორმატში წარმართება.

შინაგან საქმეთა სამინისტროს აკადემიაში სამართალდამცველებისთვის ანალოგიური პროგრამა, ცოდნის გაღრმავების, ცნობიერების ამაღლებისა და საარჩევნო პროცესში მათზე დაკისრებული მოვალეობების ეფექტიანად შესრულების მიზნით, გასულ წელს, საპარლამენტო არჩევნების წინაც ჩატარდა.

შინაგან საქმეთა სამინისტრომ „ქურდულ სამყაროსთან“ კავშირში მყოფი 11 პირი დააკავა, ოთხი კი პასუხისმგებლობაში მისცა

შინაგან საქმეთა სამინისტროს ცენტრალური კრიმინალური პოლიციის დეპარტამენტის ორგანიზებულ დანაშაულთან ბრძოლის მთავარი სამმართველოსა და შიდა ქართლის პოლიციის დეპარტამენტის თანამშრომლებმა, გენერალურ პროკურატურასთან ერთად ჩატარებული კომპლექსური ოპერატიულ-სამძებრო და საგამოძიებო ღონისძიებების შედეგად, მოსამართლის განჩინების საფუძველზე, გორსა და ხაშურში 11 პირი დააკავეს, ოთხი პირის მიმართ კი სისხლისსამართლებრივი დევნა დაიწყო



„ქურდული სამყაროს“ წევრობის, „ქურდული სამყაროს“ საქმიანობის მხარდაჭერისა და „ქურდული სამყაროს“ წევრისთვის მიმართვის ბრალდებით დაკავებული არიან: 1985 წელს დაბადებული შ.მ., 1988 წელს დაბადებული ნ.მ. (მეტსახელად, „რიჟოვიჩი“), 1963 წელს დაბადებული კ.ნ., 1964 წელს დაბადებული ბ.გ. (მეტსახელად, „პაპალიკა“), 1987 წელს დაბადებული ა.ც. (მეტსახელად, „მღვდელი“), 1990 წელს დაბადებული გ.რ. (მეტსახელად, „ნერტილა“), 2002 წელს დაბადებული ო.მ. (მეტსახელად, „ომო“), 1999 წელს დაბადებული ბ.მ., 1974 წელს დაბადებული გ.გ., 1972 წელს დაბადებული ზ.ნ. და 1996 წელს დაბადებული ბ.ა.

ამავე დანაშაულებისთვის ბრალი წარედგინებათ: 1990 წელს დაბადებულ ა.ა.-ს (მეტსახელად, „ბოთე“), 1983 წელს დაბადებულ მ.მ.-ს (მეტსახელად, „ჩაინიკა“), 1998 წელს დაბადებულ პ.ბ.-ს (მეტსახელად, „პანე“) და 1989 წელს დაბადებულ შ.ქ.-ს (მეტსახელად, „ტყუპა“). დანაშაულები 3-დან 10 წლამდე ვადით თავისუფლების აღკვეთას ითვალისწინებს. კომპლექსური გამოძიებით დადგინდა, რომ აღნიშნული პირები აღიარებდნენ „ქურდულ სამყაროს“ და აქტიურად მონაწილეობდნენ სხვადასხვა დანაშაულებრივ საქმიანობაში. კერძოდ, ისინი სისტემატურად მონაწილეობდნენ „ქურდულ გარჩევებში“ და ე.წ. კანონიერი ქურდების დავალებით, „ქურდული სამყაროს“ მიზნების განსახორციელებლად და მატერიალური სარგებლის მისაღებად, მოქალაქეებს ფულს და ძვირადღირებულ ავტომანქანებს ართმევდნენ.

ბრალდებულები, მოქალაქეებს შორის არსებული ფინანსური დავების მოგვარების, სადავო საკითხების „ქურდული წესების“ შესაბამისად განხილვისა და მათი თავიანთ სასარგებლოდ გადაწყვეტის მიზნით, უცხოეთში მყოფი ე.წ. კანონიერი ქურდის, „ტერტერას“ დავალებით, არაერთ საქმეში ჩაერთნენ. „ქურდული გარჩევის“ შედეგად, ბრალდებულები ფინანსურ დავებს „ქურდული სამყაროს“ წესების შესაბამისად წყვეტდნენ და მოდავე მხარეებიდან ერთ-ერთს, სადავო თანხის მიტანას აიძულებდნენ.

გარდა ამისა, ბრალდებულებმა – „ქურდული სამყაროს“ წევრებმა, ე.წ. კანონიერი ქურდის, „ტერტერას“ დავალებით, ასევე, „ქურდული სამყაროს“ წევრს, მეტსახელად, „ჩაინიკას“, თავისი კუთვნილი ავტომანქანა წაართვეს. მოგვიანებით კი, აღნიშნული მანქანის დაბრუნების მიზნით, „ქურდული გარჩევა“ მოეწყო, რომელშიც „ქურდული სამყაროს“ წევრი, მეტსახელად, „რიჟოვიჩი“ მონაწილეობდა. „ქურდული გარჩევის“ შედეგად, ავტომანქანა „ჩაინიკას“ დაუბრუნდა. აღნიშნულმა პირებმა კუთვნილი ავტომანქანა წაართვეს ერთ-ერთ მოქალაქეს, რომელსაც „ქურდული გარჩევის“ შემდეგ, კუთვნილი მანქანა გარკვეული თანხის სანაცვლოდ დაუბრუნეს.

სამართალდამცველებმა ჩატარებული ჩხრეკებისას ნივთმტკიცებად ამოიღეს: კომპიუტერული ტექნიკა და ბრალდებულების მობილური ტელეფონები, რომელთა საშუალებითაც ისინი ერთმანეთს და საზღვარგარეთ მყოფ ქართველ „კანონიერ ქურდს“ უკავშირდებოდნენ. ასევე, ამოღებულია დანაშაულებრივი გზით მოპოვებული, „მერსედესის“ მარკის ავტომანქანა და 15 ათასი დოლარი, „მაგნუმის“ და „კოლტის“ სისტემის ორი ცეცხლსასროლი იარაღი, ჯავშანფილეტი და საბრძოლო ვაზნები.

„ქურდული სამყაროს“ წევრობის, „ქურდული სამყაროს“ წევრისთვის მიმართვისა და „ქურდული სამყაროს“ საქმიანობის მხარდაჭერის ფაქტებზე, გამოძიება საქართველოს სისხლის სამართლის კოდექსის 223-ე პრიმა მუხლის პირველი ნაწილით, 223-ე მე-3 პრიმა მუხლის მეორე ნაწილითა და 223-ე მე-4 პრიმა მუხლის პირველი ნაწილით მიმდინარეობს.

შინაგან საქმეთა მინისტრი საქართველოში ევროკავშირის წარმომადგენლობის ხელმძღვანელს, სხვადასხვა ქვეყნის ელჩებსა და საელჩოების წარმომადგენლებს შეხვდა

შინაგან საქმეთა მინისტრმა, ვახტანგ გომელაურმა საქართველოში ევროკავშირის წარმომადგენლობის ხელმძღვანელთან, კარლ ჰარცელთან, ასევე, ევროკავშირის წევრი ქვეყნების ელჩებსა და საელჩოების წარმომადგენლებთან შეხვედრა გამართა.

შეხვედრაში მონაწილეობდნენ ავსტრიის, გერმანიის ფედერაციული რესპუბლიკის, საფრანგეთის, იტალიის, ლატვიის, ლიეტუვას, პოლონეთის, შვედეთის სამეფოსა და სლოვენის ელჩები, აგრეთვე, ბელგიის სამეფოს, ბულგარეთის, ესპანეთის სამეფოს, საბერძნეთის, უნგრეთისა და ნიდერლანდების სამეფოს საელჩოების წარმომადგენლები. შეხვედრის ფარგლებში, მხარეებმა განიხილეს 2 ოქტომბრის მოახლოებული ადგილობრივი თვითმმართველობის არჩევნები და საარჩევნო პროცესის უსაფრთხო და თავისუფალ გარემოში ჩატარების მნიშვნელობაზე ისაუბრეს.

ვახტანგ გომელაურმა აღნიშნა, რომ საქართველოს შინაგან საქმეთა სამინისტროს ამოცანაა, ქვეყნის მასშტაბით მართლწესრიგის დაცვა და არჩევნების თავისუფალ, დემოკრატიულ, უსაფრთხო გარემოში ჩატარების უზრუნველყოფა. მისივე თქმით, შინაგან საქმეთა სამინისტრო არჩევნებთან დაკავშირებული დანაშაულის პრევენციისა და ეფექტიანი რეაგირების მიზნით, კანონით გათვალისწინებულ შესაბამის ღონისძიებებს ახორციელებს.

შინაგან საქმეთა მინისტრმა ევროპელ პარტნიორებს დეტალური ინფორმაცია მიაწოდა მიმდინარე წლის 5-6 ივლისს, თბილისში განვითარებულ მოვლენებთან დაკავშირებით მიმდინარე გამოძიების ფარგლებში, სამინისტროს მიერ ჩატარებული საგამოძიებო და ოპერატიული ღონისძიებების შესახებ.

შეხვედრის დასასრულს, ვახტანგ გომელაურმა ევროკავშირის მისიის ხელმძღვანელს და ევროკავშირის წევრი ქვეყნების წარმომადგენლებს, საქართველოს შინაგან საქმეთა სამინისტროსთან აქტიური და მჭიდრო თანამშრომლობისთვის მადლობა გადაუხადა.

პოლიციამ არასრულწლოვნების მიმართ ჩადენილი მკვლელობის მცდელობის ბრალდებით, ერთი პირი დააკავა

შინაგან საქმეთა სამინისტროს თბილისის პოლიციის დეპარტამენტის არასრულწლოვნების საქმეთა მთავარი სამმართველოს ვაკე-საბურთალოსა და დიდუბე რაიონების მთავარი სამმართველოების თანამშრომლებმა, ჩატარებული ოპერატიული და საგამოძიებო მოქმედებების შედეგად 2007 წელს დაბადებული ლ.მ., არასრულწლოვნების მიმართ დამამძიმებელ გარემოებაში ჩადენილი განზრახ მკვლელობის მცდელობის ბრალდებით, თბილისში დააკავეს.

დანაშაული 16-დან 20 წლამდე ვადით თავისუფლების აღკვეთას ითვალისწინებს.

გამოძიებით დადგინდა, რომ მიმდინარე წლის 13 სექტემბერს, თბილისში დაკავებულმა, ურთიერთშელაპარაკების ნიადაგზე, ცივი იარაღით მრავლობითი ჭრილობები მიაყენა 2007 წელს დაბადებულ გ.ბ.-ს., 2006 წელს დაბადებულ ბ.ბ.-სა და 2006 წელს დაბადებულ გ.მ.-ს. პოლიციამ ლ.მ., მომხდარიდან რამდენიმე საათში, ცხელ კვალზე დააკავა.

სამართალდამცველებმა დანაშაულის ჩადენის იარაღი – დანა, ნივთმტკიცებად ამოიღეს.

გამოძიება სისხლის სამართლის კოდექსის 19-109-ე მუხლით მიმდინარეობს, რაც დამამძიმებელ გარემოებაში განზრახ მკვლელობის მცდელობას გულისხმობს.

კვირაზე მეტია, საქართველოში ე.წ. ფარული ჩანაწერების ახალი სკანდალია. ამ ეტაპზე, უცნობია, კრებები ავთენტურია თუ არა, მაგრამ გამოძიება დაწყებულია და იმედია, ყველაფერი გაირკვევა. მანამდე კი „ვერსიას“ უშიშროების ყოფილი თანამშრომელი იმის შესახებ ესაუბრა, თუ როგორ მუშაობს ავტენტური ქსელი. ჩვენი რესპონდენტი, გარკვეული მიზეზების გამო, ვინაობას არ ასაჯაროებს და არც ე.წ. შიდა ავტენტურაზე საუბრობს, რადგან თვლის, რომ ამაზე მახვილის გაკეთებამ, შესაძლოა, საზოგადოებაში დიდი პოლარიზაცია გამოიწვიოს. შესაბამისად, უშიშროების ყოფილი თანამშრომელი აქცენტს უცხო ქვეყნის, ასევე, საბჭოთა სპეცსამსახურის ფარულ თანამშრომლებზე აკეთებს და იმის შესახებაც საუბრობს, თუ როგორ უნდა მოხდეს ამ ადამიანების გამოვლენა.

- აგენტის გამოვლენა როგორ ხდება?
- ამაზე სპეცსამსახურებმა უნდა იზრუნონ.
- ანუ აგენტის გამოვლენის მზა რეცეპტი არ არსებობს?

- არა... საერთოდ, კონტრდაზვერვა ერთჯერადი აქტი კი არა, პროცესია...

- ისე, რომელიმე უცხო ქვეყნის აგენტი გამოვივლინოთ?

- ფაქტზე არავინ დამიკავებია, მაგრამ არსებობდა ფიქსირებული ფაქტები ანუ ვიდეო-აუდიო მასალები, რომლითაც დასტურდებოდა, რომ ესა თუ ის პირი რუსეთის სპეცსამსახურებთან კავშირზე იმყოფებოდა. შესაბამისად, მის მიმართ პროფილაქტიკურ ღონისძიებებს ვატარებდით.

- „პროფილაქტიკური ღონისძიებების გატარება“ რას მოიცავს?

- თუ ასეთ „ტიპი“ სახელმწიფო სტრუქტურებში მუშაობს, მისი ჩამოცილება უნდა მოხდეს, რითაც აგენტის გავლენა შემცირდება და ძირგამომთხრელი საქმიანობის შანსიც ნაკლები იქნება.

- უცხო ქვეყნის აგენტი, უეჭველად, სახელმწიფო სამსახურში უნდა მსახურობდეს?

- არა, მაგრამ უცხო ქვეყნის სპეცსამსახურისთვის აგენტი ღირებული მამონია, როცა მას საიდუმლო ინფორმაციაზე წვდომა აქვს და მისი დამუშავება შეუძლია...

- ავტენტურაში ე.წ. დონეები არსებობს - ვთქვათ, პირველი კლასის აგენტი და ასე შემდეგ?

- არა... სპეცსამსახური ჩვეულებრივი კონფიდენციალური წყაროს, გნებავთ, აგენტის გარეშე ვერ იარსებებს, თუმცა არსებობს გარკვეული გრადაცია - არსებობენ ერთჯერადი ინფორმაციის მოპოვებელი აგენტები, ასევე, „დამუშავებაში შესაყვანი“ აგენტები და ასე შემდეგ... მთავარი ოპერატიული კავშირის დამყარება არაა - შეიძლება, ადამიანი გადაიბირო, მაგრამ თუ არ აღზარდე ანუ არ ასწავლე, ინფორმაცია როგორ უნდა მოიპოვოს და დაამუშაოს, არაფერში გამოგადგება. ასევე, აგენტმა ის მეთოდიც უნდა იცოდეს, თუ როგორ არ უნდა „გაიშიფროს“...

- ყოფილი აგენტები არსებობენ?

- არა... არსებობს ტერმინი „არქივული აგენტი“ - თუ ადამიანი გარდაიცვალა, ან რაღაცის გამო აღარ მუშაობს, სპეცსამსახური ურთიერთობას წყვეტს, თუმცა მის საქმეს არქივებს...

- აგენტი სპეცსამსახურმა, შეიძლება, მხოლოდ ერთხელ გამოიყენოს და „შემვას“?

- არა... სხვათა შორის, სააკაშვილის ხელისუფლებაში, საბჭოთა სუკ-ის არაერთი „არქივული აგენტი“ იყო და ვინმე დამარწმუნებს, რომ „კა გე ბე“-ს სამართალმემკვიდრე „ეფ ეს ბე“ მათ არ იყენებდა? ისე, „დუბლიაჟიც“ ხდებოდა.

- ეს რაღაა?

- იმ საქმის ერთი „დუბლიკატი“, რომელიც საქართველოში იკვრებოდა, მოსკოვში იგზავნებოდა და იქ ინახებოდა. ამიტომაც ვამბობ, ვერავინ დამარწმუნებს, რომ „ეფ ეს ბე“ ამ „არქივულ აგენტებს“ არ იყენებს!

სპეცსამსახურების საიდუმლო აგენტურის სკანდალური ანატომია



არსებობენ თუ არა ყოფილი აგენტები და რატომ არ ვიღებთ ლუსტრაციის კანონს

საერთოდ, „გე რე უ“-ს ავტენტურა საქართველოს უშიშროების სამსახურისთვის უცნობია.

- „გე რე უ“, უხეშად რომ ვთქვათ, რუსეთის სამხედრო დაზვერვაა, არა?

- დიახ.

- „გე რე უ“-თან კავშირზე მხოლოდ სამხედროები არიან?

- არა... მაგალითად, „გე რე უ“-თან კავშირზე საქართველოში, რუსული სამხედრო ბაზების გარშემო მცხოვრები მოსახლეობაც იყო...

- ვიცი, მიაბიჭურად ჟღერს, მაგრამ მაინც უნდა ვიკითხო: აგენტს გარეგნულად რაიმე ეტყობა?

- რა უნდა შეეტყოს?! - არაფერი...

სხვათა შორის, მას შემდეგ, რაც საქართველომ დამოუკიდებლობა აღიდგინა, მუდმივად საუბრობენ, რომ საჭიროა ლუსტრაციის კანონის მიღება, რათა იგივე საბჭოთა უშიშროების ფარული თანამშრომლების შთამომავლებს სახელმწიფოსთვის მნიშვნელოვანი თანამდებობების დაკავება არ შეეძლოთ (სწორედ ამ გზით ნავიდა ბალტიისპირეთი), თუმცა ლუსტრაციის კანონს ვინ ჩივის, ე.წ. ავტენტურის არქივები, როგორც ამბობენ, დაკარგულია.

„2004 წლის თებერვალში, როდესაც ზურაბ ადგილი უშიშროების მინისტრად დანიშნა, სააკაშვილმა ძალიან საინტერესო დავალება მისცა ახალ მინისტრს, გაეხსნა ის არქივები, რომლებსაც იმჟამად ოპერატიული მნიშვნელობა არ ჰქონდა, მაგრამ ეს არ მოხდა. გამოდის, რომ ქართული საზოგადოება ისევე სუკ-ის მძევალია, - აცხადებს უშიშროების ყოფილი თანამშრომელი და დასძენს, - გასათვალისწინებელია, თუ როგორ მოქმედებენ სხვა ქვეყნებში რუსული სპეცსამსახურები, ამ ქვეყნების მიერვე გაჟღერებული ინფორმაციით. მაგალითად, თავის დროზე, ლიტვის სახელმწიფო უშიშროების დეპარტამენტმა გაავრცელა ცნობა, რომ რუსეთის სპეცსამსახურები და პრეზიდენტის ადმინისტრაცია იწყებდა დეზინფორმაციულ ომს ლიტვის პრეზიდენტის წინააღმდეგ იმის საფუძველზე, რომ რუსეთის სპეცსამსახურების არქივებში თითქოს მოიძებნა დოკუმენტი, სადაც პრეზიდენტისა და სხვა თანამდებობის პირების შესახებ კომპრომატებზე საუბარი. მოკლედ, იმის თქმა მინდა, რომ არქივებს ჩვენი

მონინალმდევე ყოველთვის გამოიყენებს“.

„ვერსიის“ კითხვაზე, თუ როგორ იყენებენ რუსული სპეცსამსახურები ამ არქივებს საქართველოში ანუ როგორ ხდება ხალხის „დაფერბოვება“, ინკოგნიტო რესპონდენტი გვპასუხობს:

„რუსული სპეცსამსახურები ყველგან ერთი მეთოდით მუშაობენ და ამის შესახებ დოკუმენტური ინფორმაცია მაქვს. თავის დროზე, რუსეთის მართლმადიდებლური ეკლესიისთვის განსაკუთრებით პრობლემური იყო საზღვარგარეთის ეპარქია, რომელიც რუსეთის საპატრიარქოს არ ექვემდებარებოდა, რადგან სამღვდელოება ნაწილი ემიგრაციაში წავიდა და იქ ცალკე ეპარქიები დააარსა... ამიტომ, შექმნეს სერიოზული ავტენტურული ქსელი. საბჭოთა პერიოდიდან მოყოლებული, რუსეთის სპეცსამსახურები ძალიან აქტიურად მუშაობენ ამ საარქივო დოკუმენტებით. გარკვეული აქვთ, ვინ თანამშრომლობდა „კა გე ბე“-სთან. მათ შთამომავლებს კი, ვინც დღეს ემიგრაციაშია და მაღალ თანამდებობაზე მუშაობს, ამით აშანტაჟებენ!

- ანუ სპეცსამსახურების აგენტობა მემკვიდრეობითია?

- მუდამ მემკვიდრეობითი იქნება, თუ შიშის ზღვარს არ გადავლახავთ. სხვათა შორის, ბალტიისპირეთში ლუსტრაცია 1994 წელს მოხდა. ადამიანებს მისცეს გარკვეული დრო, თვითონ განეცხადებინათ, რომ სუკ-თან თანამშრომლობდნენ. რაც შეეხება ლიტვური წარმოშობის ოფიცრებს, რომლებიც ღიად მუშაობდნენ ორგანოებში, მათ გარკვეული პერიოდის განმავლობაში, პოლიტიკური უფლებები შეეზღუდათ.

- გამოდის, რომ გამოსავალი მხოლოდ ლუსტრაციის კანონია...

- დიახ, მაგრამ ლუსტრაციის პროცესი არ უნდა დაემსგავსოს „კუდიანებზე ნადირობას“...

- რატომ უფრთხის საქართველოს ყველა ხელისუფალი ლუსტრაციის პროცესის დაწყებას?

- ამის სურვილი მიმას ჰქონდა, მაგრამ მალე დაივიწყა. პირდაპირ კანონის მიღება არასერიოზულად მეჩვენება და დარწმუნებული ვარ, ეს საზოგადოების დაპირისპირებას გამოიწვევს. ჯერ არქივია მთავარი, რომელიც ჩვენს სინამდვილეში, ცხრათავიანი დევის სიმბოლო გახდა“.

ტოტალური დექარტეზიზაცია – ოკუპირებული გალის სკოლებში ქართულ ენაზე სწავლა აკრძალეს

თათია გონაძე
598-43-50-34

12 სექტემბრიდან, ოკუპირებული აფხაზეთის დე ფაქტო მთავრობის გადაწყვეტილებით, გალის რაიონის ყველა სკოლაში სწავლა, ქართული ენის ნაცვლად, რუსულად მიმდინარეობს. ალბათ, იფიქრებთ, რომ ეს რუსიფიკატორული პოლიტიკის ლოგიკური შედეგია, მაგრამ პრობლემა იმაზე მეტად საგანგაშოა, ვიდრე წარმოგვიდგენია. გალის მოსახლეობა, ძირითადად, მეგრულად ლაპარაკობს და თუ ქართულ ენას სკოლებშიც აღარ ასწავლიან, რუსულ ენაზე გაზრდილი ახალგაზრდები რომელი ქვეყნისკენაც გაინევენ, ალბათ, ძნელი მისახვედრი არაა, თუმცა ამ საგანგაშო პრობლემით, როგორც აღმოჩნდა, ქართველი პოლიტიკოსები დიდად არ დაინტერესებულან. სახელისუფლებო უწყებები ფაქტით კიდევ ერთხელ აღშფოთდნენ, ოპოზიციამ კი, როგორც იტყვიან, ყურიც არ შეიბერტყა. რა ვითარებაა გალში და რა უნდა გააკეთოს სახელმწიფომ ამ პრობლემის მოსაგვარებლად? – „ვერსია“ ექსპერტ-კონფლიქტოლოგს, მამუკა არემიძეს ესაუბრა.



რა უნდა გააკეთოს სახელმწიფომ პრობლემის მოსაგვარებლად – ექსპერტების შეფასებები

„ეს ამბავი რომ იგეგმებოდა, ვიცოდით, რადგან რამდენიმე წლის წინ, კლასების მიხედვით ქართული ენის შესწავლის შეზღუდვა დაიწყო. ადგილობრივები დახმარებას ითხოვდნენ და საბოლოო ჯამში, ეს შედეგი მივიღეთ. ქართული ნელ-ნელა შეამცირეს და ახლა მთლიანად გადავიდა სწავლა რუსულ ენაზე. წელანდელი თქმისა არ იყო, ეს რომ მოსალოდნელი იყო, გადასარევად ვიცოდით, სახელმწიფოს ვგულისხმობ და არა – კონკრეტულ პიროვნებებს, მაგრამ ვერაფერი გავაკეთეთ და მთელი უბედურებაც სწორედ ესაა. სხვისთვის დაბრალება და იმის თქმა, საკუთარ პოლიტიკას ატარებენ და ამას როგორ ბედავენო, იოლია, მაგრამ ჩვენი გასაკეთებელი, ჩვენ ვერ გავაკეთეთ. ჩვენ თვალწინ, პრაქტიკულად, ჩვენს ტერიტორიაზე მიმდინარეობს დექარტეზიზაციის აქტიური პროცესი და უნდა გითხრათ, რომ ახალგაზრდების ერთი ნაწილი, რომელიც სწავლას აგრძელებს სოხუმის უნივერსიტეტში ან ჯარში მიდის, ან რაღაც ჩართულობა აქვს აფხაზურ საზოგადოებაში, ცდილობს, აფხაზი ჩაინეროს პასპორტში. ეს ტოტალური დექარტეზიზაციის პროცესია, პრაქტიკულად, ჩვენს სისხლსა და ხორცს ვკარგავთ“, – აცხადებს არემიძე.

„ვერსიის“ კიდევ ერთი რესპონდენტი, ქრისტიან-დემოკრატიული მოძრაობის თავმჯდომარე, გონა ჯოჯუა კი ამბობს: „ტრაგედიაა, რაც გალში ხდება, მაგრამ ამის შესახებ არც ოპოზიციამ იცის და არც – ხელისუფლებამ, რადგან ისე ჩაეკეტა ჩვენი პრობლემებით და იმდენად რთული გახდა ჩვენს მიერ კონტროლირებად ტერიტორიაზე ცხოვრება, რომ აფხაზეთი და დაკარგული ტერიტორიები ვიღაც ახსოვს?! აქედან გამომდინარე, მათ საშუალება მიეცათ, ისეთი პოლიტიკა გაატარონ, როგორც უნდათ, თორემ სინამდვილეში, საქართველომ აფხაზეთის დამოუკიდებლობა რომც აღიაროს, მაშინვე პრობლემა წარმოეშობათ აფხაზებს, რადგან მათი კონსტიტუცია, ფაქტობრივად, აპარტიდულია. ის, რასაც ახლა გალში აკეთებენ, კიდევ ერთი დადასტურებაა, რომ რეალურად, მზად არ არიან, სახელმწიფო შექმნან და დამოუკიდებლად იარსებონ, რადგანაც მოსახლეობისთვის აკრძალვა იმ ენისა, რომელზეც საუბრობს, 21-ე საუკუნეში, წარმოუდგენელია. დამოუკიდებელი საქართველოს კონსტიტუციაში გვეწერა, რომ სწორედ აფხაზური და ქართულია

სახელმწიფო ენები და საქმის წარმოებაც ამ ენებზე შეიძლება. აფხაზურს, ქართულს თანაბარი უფლებები ენიჭებოდა, მაგრამ როცა აფხაზი ცდილობს, დაანახოს მსოფლიოს, რომ თვითგამორკვევა უნდა და ამ დროს იმ ადამიანებს, რომლითაც დასახლებულია ეს ტერიტორია, მშობლიურ ენაზე ლაპარაკს უკრძალავს, ეს ნიშნავს, რომ ისინი მზად არ არიან, ცივილიზებულ ოჯახში ცხოვრობდნენ და ეს ძალიან ცუდია. არ მგონია, ასეთ განწყობაზე აფხაზები იყვნენ, ასეთ გარემოს ადმინისტრაცია ქმნის, თორემ აფხაზები და ქართველები, საუკუნეების განმავლობაში, ერთად ცხოვრობენ. „ვერსიის“ მხრიდან ამ საკითხის წამოწევა იმის მაგალითია, თუ როგორ უნდა მიაწოდოს გარესამყაროს სახელმწიფომ ეს ამბავი. ამასთან, პირველ რიგში, ჩვენს ქვეყანაში უნდა დავალაგოთ სიტუაცია, რომ შევქმნათ ისეთი სახელმწიფო, სადაც ადამიანებს პერსპექტივა ექნებათ და ასეთ შემთხვევაში, იმ ტერიტორიაზე მცხოვრებ ადამიანებსაც ენდობებათ ერთიან სახელმწიფოში ცხოვრება. სხვა შემთხვევაში, ერთადერთი ის დაგვრჩენია, რომ დავანახოთ მსოფლიოს, ისინი როგორ იქცევიან და არ შეიძლება, ჰქონდეთ უფლება, ჩამოაყალიბონ სახელმწიფო, რადგან ამისთვის მზად არ არიან“.



ყოფილი სახალხო დამცველისა და ამჟამად არა-სამთავრობო ორგანიზაცია „დემოკრატიის კვლევის ინსტიტუტის“ (DRI) ხელმძღვანელის, უჩა ნანუაშვილის აზრი კი ამ თემაზე, ასეთია: „ზოგადად, ხდებოდა ქართული ენის შეზღუდვა აფხაზეთის ტერიტორიაზე. წლების წინ, იმ სოფლებში აიკრძალა ქართული ენა, რომლებიც გალის რაიონს ჩამოსცილდნენ და ტყვარჩელსა და ოჩამჩირეს გადაეცა. შემდეგ, ზედა ზონის სოფლებში შეიზღუდა ენა და ბოლოს, 2015 წლიდან დაიწყო ის ეტაპი, როცა სრულად გადავიდა სწავლება რუსულ ენაზე ანუ პირველკლასელებმა დაიწყეს სწავლა რუსულად. რამდენიმე წელი სჭირდებოდა, რომ ქართულენოვანი კლასები გადასულიყო რუსულ სწავლებაზე და დღეს ეს პროცესი უკვე დამთავრდა. ფაქტობრივად, დღეს გალის ტერიტორიაზე ქართულენოვანი სკოლა აღარ არსებობს. გალში ქართული ენა ისწავლება, როგორც ერთ-ერთი საგანი, საათების რაოდენობაც შეზღუდულია და ამის ხარჯზე იზრდება სხვა საგნების, მათ შორის, რუსულის სწავლების საათებიც. მთლიანობაში, ეს რუსიფიკაციის პოლიტიკაა, რომელიც გრძელდება წლების განმავლობაში და ამის შედეგაც უკვე ჩანს. ძალიან ბევრ მოსწავლეს და

ტოტალური დეჰარტვილიზაცია – ოკუპირებული გალის სკოლებში ქართულ ენაზე სწავლა აკრძალეს



მასწავლებლებსაც პრობლემები შეექმნა იმიტომ, რომ გალში რუსული არ არის საკომუნიკაციო ენა და ძირითადად, ქართულად და მეგრულად საუბრობენ, ახლა კი ყველას მოუწია გადასვლა რუსულ ენაზე ისე, რომ მზად არ იყვნენ. ამან იმოქმედა განათლების ხარისხზე, რომელიც საგრძნობლად დაეცა, ამასთან, რუსული ენის სწავლება სწრაფი ტემპით მიმდინარეობს და ეს ხდება ქართულის ხარჯზე. ახალგაზრდობას უჭირს ქართულად მეტყველება, რაც სერიოზული პრობლემაა“.

ოკუპირებული გალის მოსახლეობის ინტეგრაციის პროცესში მნიშვნელოვან როლს თამაშობს სტუდენტების გადმოღინება ქართულ უნივერსიტეტებში. იქიდან გამომდინარე, რომ გალელები ძირითადად მეგრულად საუბრობენ და ახლა სკოლებში ქართული ენა აიკრძალა, შესაძლოა, ენის ბარიერის გამო, ახალგაზრდებმა არა ქართულ, არამედ, რუსულ უნივერსიტეტებს მიმართონ. სწორედ ამ საფრთხის შესახებ საუბრობს ყოფილი სახალხო დამცველი:

„ეს პროცესი რამდენიმე წლის წინ დაიწყო, არაერთი ვიზიტი განხორციელდა გალში, განსაკუთრებით, ბოლო ორი წლის განმავლობაში, როდესაც აფხაზი და რუსი მაღალჩინოსნები სთავაზობდნენ, რომ თუკი ახალგაზრდები სოხუმში წავიდოდნენ, რუსეთის უმაღლეს სასწავლებლებში მხოლოდ სწავლას კი არ დაუფინანსებდნენ, არამედ, საცხოვრებლის ხარჯებსაც აუნაზღაურებდნენ. ასე რომ, საკმაოდ შთაბეჭედავი შეთავაზებაა რუსეთისგან. ამის შედეგი უკვე ჩანს – ეს შეთავაზება არაერთმა აბიტურიენტმა მიიღო.“

მართალია, საქართველო ახალგაზრდებს უნივერსიტეტებში უგამოცდოდ ჩარიცხვას სთავაზობს, მაგრამ ეს საკმარისი არაა. საჭიროა საცხოვრებელითა და დასაქმებით მხარდაჭერა. ამასთან, ქართულ დიპლომებს და საბუთებს ოკუპირებულ აფხაზეთში მთელი რიგი ე.წ. უწყებები არ იღებენ, იმიტომ ურჩევენიათ, აიღონ რუსული დიპლომი, რომელსაც უფრო მეტი გასაქანი აქვს.

ხელოვნური პრობლემები იქმნება, რომ ხელი შეეწყოს გალის რაიონის თბილისისგან მოწყვეტას, რაც შორსმომავალი პროცესია.

სამწუხაროდ, ეს საკითხი არაა პირველხარისხოვანი პოლიტიკოსებისთვის და მხოლოდ იმ ადამიანებს აწუხებთ, რომლებსაც კონკრეტულად აქვთ შეხება. არადა, პრობლემა ნამდვილად საგანგაშოა იმიტომ, რომ თუკი აქამდე, ასე თუ ისე, შენარჩუნებული იყო ქართული ენა, კულტურა და სახელმწიფოსთან კავშირიც არსე-

ბობდა, წლიდან წლამდე, დინამიკურად ვხედავთ, რომ ვითარდება იგივე პროცესი, რაც ახალგორშია და ამ პოლიტიკის შედეგს ძალიან მალე დავინახავთ“.

ნანუაშვილი „ვერსიასთან“ იმ ღონისძიებებზეც საუბრობს, რომლებიც პრობლემის აღმოსაფხვრელად სახელმწიფომ უნდა გაატაროს:

„ჯერ კიდევ პანდემიამდე იყო და ახლაც არის შესაძლებელი დისტანციური სწავლების ხელშეწყობა. ზაფხულში ან საახალწლო არდადეგებზე მასწავლებლებისა და მოსწავლეების გადამზადება, რომ დანაკლისი შეივსონ და ქართული ენის ცოდნა გაიღრმავონ. ყველაფერ ამის რესურსი ნამდვილად აქვს სახელმწიფოს. ტელე-სწავლება ძალიან ბევრ ქვეყანაში არსებობს, სადაც ინტერნეტისა და ტელევიზიის მეშვეობით, შესაძლებელია მთელი რიგი პრობლემების მოგვარება, თუმცა გალში ესეც პრობლემაა – ყველას არ აქვს კომპიუტერი,

ინტერნეტი კი სუსტია. გალში, პანდემიის დროს, ყველაზე მძიმე დარტყმა სწორედ განათლების სექტორმა მიიღო, რადგან ონლაინ-სწავლება იყო და ბევრს არ ჰქონდა თანამედროვე ტექნიკა. აქედან გამომდინარე, ტექნიკური დახმარებაც შესაძლებელია – კომპიუტერების, სახელმძღვანელოების გადაცემა, თუმცა ამის ნება, სამწუხაროდ, სახელმწიფოს არ ჰქონია“.

აფხაზეთის ავტონომიური რესპუბლიკის მთავრობის თავმჯდომარე, რუსლან აბაშიძე აცხადებს, რომ ეს პროცესი დიდი ხნის წინ დაიწყო:

„ესაა ტრაგიკული რეალობა და ნაბიჯი, რომელიც იყო გადადებული ჩვენი საზოგადოების მიმართ, საოკუპაციო ძალის მხრიდან. ეს ნაბიჯი ემსახურება იმ პროცესს, რომელიც მიმდინარეობს ოკუპირებულ ტერიტორიაზე, რუსიფიკაციასა და ძალადობას ჩვენს საზოგადოებაზე და ყველაფერი უნდა გავაკეთოთ, რომ ჩვენ საზოგადოებას, რომელიც ცხოვრობს ოკუპირებულ ტერიტორიაზე, დავეხმაროთ და დროულად მოვახდინოთ რეაგირება ამ საკითხებზე. სახელმწიფო და ხელისუფლება აკეთებს ყველაფერს, რომ ეს ფაქტი იყოს ასახული ჟენევის მომდევნო დისკუსიებში.“

იმ ბავშვებსა და აბიტურიენტებს, რომლებიც ცდილობენ, დაიცვან თავისი ფუნდამენტური უფლება – ისწავლონ მშობლიურ ენაზე, დავეხმარებით. ყველაფერს გავაკეთებთ, რომ ის იდეები, რომლებიც უკავშირდება დისტანციურ განათლებას ან განათლების გაგრძელებას საქართველოს მიერ კონტროლირებად ტერიტორიაზე, განვახორციელოთ.“

არის რამდენიმე მნიშვნელოვანი ინიციატივა, პროექტი, რომელიც უკვე ხორციელდება, როგორც ცენტრალური განათლების სამინისტროს მიერ, ასევე, ამაში ჩართულია ჩვენი აფხაზეთის განათლების სამინისტროც და გარკვეული პერიოდის შემდეგ გვექნება კონკრეტული მექანიზმები იმისთვის, რომ დავეხმაროთ ბავშვებსა და აბიტურიენტებს ოკუპირებულ ტერიტორიებზე.

უკვე მოქმედებს პროგრამა – აბიტურიენტს, რომელსაც სურს, რომ გააგრძელოს განათლება აქ, ეს პროგრამა ითვალისწინებს, როგორც უფასო, ასევე, უგამოცდოდ შესაძლებლობას, რათა გააგრძელონ სწავლა სხვადასხვა უნივერსიტეტში“...



„ეს თვითმკვლავობაა მისთვის მცდელობა“ – ამირან სალუქვაძე ფარული ჩანაწერების სკანდალზე



თათია გოჩიაძე
598-43-50-34

საარჩევნო კამპანია საქართველოში კვლავ ფარული ჩანაწერების გამოქვეყნების ფონზე მიმდინარეობს – რამდენიმე დღის წინ, მედიაში გაავრცელა ინფორმაცია, რომ ღია ინტერნეტსივრცეში გამოქვეყნდა ჩანაწერები, რომლებიც ინკოგნიტო გამავრცელებლის მტკიცებით, სახელმწიფო უსაფრთხოების სამსახურის ფარული მიყურადების გზით მოპოვებულ ოპერატიულ მასალებს შეიცავს. გავრცელებული ინფორმაციით, საუბარია 58 000 ფაილზე, რომლებიც, სავარაუდოდ, საპატრიარქოს მაღალი იერარქიის სასულიერო პირების საქმიანობასა და პირად ცხოვრებას ეხება. ვის აწყობდა წინასაარჩევნოდ მსგავსი ჩანაწერების გავრცელება? – „ვერსია“ ექსპერტსა და ანალიტიკოსს, ამირან სალუქვაძეს ესაუბრა.

„საქმე მასშტაბურ, წინასაარჩევნო მანიპულაციებთან გვაქვს!“

„წინასაარჩევნოდ, ასეთი სიბინძურის გამოტანა ხელისუფლების წინააღმდეგ აწყობთ ოპონენტებს. როცა ხელისუფლების კანდიდატები მათ მიერ გაკეთებულ საქმეებზე ან სამომავლო გეგმებზე საუბრობენ, ამას უთვლიან ამომრჩევლის გულისმოგებად, რაც აბსურდია. იმას კი, რასაც თავად ტირაჟირებენ არჩევნების წინ (როგორც ჩანს, თვეები ინახავდნენ და არჩევნების წინ გამოაქვეყნეს), ამას არ თვლიან ამომრჩეველზე ზემოქმედებად. ასეთი სიბინძურის გარეშე, უკვე მერამდენე წელია, ოპოზიციას არჩევნების ჩატარება არ შეუძლია.

სწორედ ამის მაგალითს გავიხსენებ, რომლის მიერ გავრცელებული ინფორმაციები მთელი მსოფლიოსთვის გავრცელებული შოკისმომგვრელი იყო. ის, რომ სპეცსამსახურები გარკვეულ პირებს უსმენენ ყველა ქვეყანაში, ამას მიჩვეულია საზოგადოება და როცა ხარ საჯარო პირი, უნდა ფიქრობდე, რომ შესაძლოა, არა მხოლოდ შენი ქვეყნის, არამედ, სხვა ქვეყნების სპეცსამსახურებიც გისმენდნენ, განსაკუთრებით თანამედროვე, ციფრულ სამყაროში. მინდა, სწორად გაიგოს მკითხველმა, აქ საუბარი არ არის შესაძლო მოსმენების გამართლებაზე, ესაუბრობ სიფრთხილეზე.

წინა ხელისუფლებამ ქვეყანაში შემოიყვანა რუსული კომპანია „ბილაინი“, რომელიც თავადაც აღიარებს, რომ თანამშრომლობს საკუთარი ქვეყნის ანუ რუსეთის სპეცსამსახურებთან. შესაბამისად, სავარაუდოდ, ამ ქსელის მომხმარებლები მუდმივად მიყურადების ქვეშ არიან“, – ამბობს სალუქვაძე.

ამირან სალუქვაძის თქმითვე, დასადაგენია, რა პროცენტია გავრცელებულ ინფორმაციებში ავთენტური და რა – მოგონილი:

„ეს აუცილებელია, რადგან ვხედავთ მანიპულაციებს. მაგალითად, როცა წამყვანი ამბობს, მათნაირი არ ვარ და ვინაობას არ დავასახელებო, არადა, გადის რამდენიმე წამი და იწყებს შინაარსის მოყოლას, სახლებში მივარდნებს, ვინაობების გაჟღერებას... ამიტომ, მათ მიმართ ნდობა არ მაქვს“.

სალუქვაძის თქმით, მოსახლეობისთვის მნიშვნელოვანია, როგორ იყენებენ ამ ჩანაწერებს სპეცსამსახურები და იყენებენ თუ არა მოსახლეობის წინააღმდეგ:

„ძალიან ცდილობს ოპოზიციას, რომ დღევანდელი ხელისუფლება წინასთან გააიგივოს. ესაა მისი პოლიტიკური მიზანი, რათა არჩევნების შედეგებზე მოახდინოს ზეგავლენა და თავადაც უკვირს, ასეთი ამბები გავავრცელებ და მოსახლეობა არ ინძრევავო. არც გაინძრევა მოსახლეობა იმიტომ, რომ ამ სიბინძურეს ავრცელებს ის პოლიტიკური ძალა, რომელიც მოსახლეობისთვის

მიუღებელია. მოსახლეობას არ აქვს განცდა, რაც ჰქონდა წინა ხელისუფლების დროს.

რადაც ნიუანსებზე დაყრდნობით, მაქვს მაღალი ალბათობით ეჭვი, რომ ვინც დღეს ამას აქტიურად ავრცელებს, თავადვე ატვირთა. ჩატარდება გამოძიება და დარწმუნებული ვარ, რომ ბევრი დეტალი გახდება ცნობილი საზოგადოებისთვის. ჯერ უნდა დადგინდეს, ეს შეესაბამება თუ არა სიმართლეს და შემდეგ გასარკვევია, ვის ჰქონდა ამ ინფორმაციებთან დაშვება და წვდომა. წრე ძალიან ვიწროა. დაადგენს ამას გამოძიება, გვესმის, რომ ოპოზიციას არჩევნებამდე უნდა ამ სკანდალით მაქსიმალური დივიდენდების მიღება, მაგრამ ერთ დღეში, ასეთი გამოძიების ჩატარება შეუძლებელია, თუმცა რადაც ნიუანსები, შეიძლება, არჩევნებამდეც გავიგოთ, რაც ხელისუფლებისა და სპეცსამსახურების ინტერესებშია, რათა ჩაიხსნას ამ თემის პოლიტიკური შემადგენელი“.

ამირან სალუქვაძე აღნიშნული ჩანაწერებისა და მათში არსებული პირადი მონაცემების გავრცელებაზეც საუბრობს:

„რაც შეეხება იმ საკითხს, რომ ეს ჩანაწერები ხელიდან ხელში გადადის, ვინც ყველაფერ ამას ავრცელებს, ამბობს, ეს მასალა ისევეა ატვირთული ინტერნეტში ანუ დღეს თუ ეს ჩანაწერები ხელიდან ხელში გადადის, თითქოს, მათი ბრალი კი არაა, არამედ, ინტერნეტიდან მოპოვებული მასალებია. არადა, თავად ახდენენ ამ ყველაფრის ტირაჟირებას. თუ უკანონო ჩანაწერები კეთდება, ე.ი. ეს დანაშაულია, რადგან ყველა მოსმენას არეგულირებს კანონი. მეორე მხარეა მისი გამოყენება, რაც მორალსაც უკავშირდება და კანონსაც.

როცა პირადი ხასიათის ინფორმაციას გიგზავნიან, უბრალოდ, არ უნდა გახსნა და არ უნდა გაავრცელო. ეს მორალის ამბავია. არ მაინტერესებს, ვინ ვის ელაპარაკა და ვის ვისთან რა ურთიერთობა აქვს. საინტერესოა, როგორ იყენებენ ყველაფერ ამას და თუ აქვს მოსახლეობას იმის განცდა, რომ მოქმედი ხელისუფლება ნაციონალურ მოძრაობაზე უარესია, არჩევნებზე გასცემს პასუხს. თუ ეს ასე არაა, ვიხილავთ ოპოზიციისთვის სავალალო შედეგებს.

რაც შეეხება ტირაჟირებას, პირადი ინფორმაციის შემცველი მასალების გავრცელება და ამ აუიოტაჟის დროს ვინაობის დასახელება ან მინიშნება არა თუ ამორალურია, არამედ, ეს თვითმკვლავობამდე მიყვანის მცდელობაა! სრული პასუხისმგებლობით ვამბობ, გაცილებით მძიმეა იმ აუიოტაჟის ტირაჟირება, რაც ახლა ხდება, რაზეც მორალურ პასუხისმგებლობას ვერ გავეცვიან! დარწმუნებული ვარ, ბევრი ადამიანი ფიქრობს

ჩემსავით და იმიტომაც ვერ აღწევენ პოლიტიკურ მიზანს. საქართველოში თუკი ვინმემ დაიწყო მასშტაბური მოსმენები, ეს იყო ნაციონალური მოძრაობა. ამ ინფორმაციებს მოსახლეობის წინააღმდეგ იყენებდნენ და ეს განცდა იყო საზოგადოებაში. ყველას კარგად ახსოვს განცდა, როცა ბებია შვილიშვილს ვერ ესაუბრებოდა ტელეფონით. კარტოფილის საყიდლად რომ მიდიოდა ვინმე ბაზარში, ამასაც კი არა ამბობდა ტელეფონით საუბრისას. ძალიან უნდათ, იგივე განცდა შექმნან, მაგრამ ეს არ გამოუვათ“.

სალუქვაძე, ამ საკითხზე, საპატრიარქოს პოზიციასაც ეხმაურება:

„საპატრიარქომ გააკეთა განცხადება ამ საკითხზე და ის, რომ ეკლესიის წინააღმდეგაა ძირითადად მიმართული ეს პროცესი, მგონია, ამას ყველა ხედავს, თუმცა ამით ვერ დაამარცხებენ ეკლესიას“.


ექსპერტ-ანალიტიკოსი ციფრების შესახებაც საუბრობს და ამბობს, რომ გასარკვევია, ერთი ფაილი მხოლოდ ერთ ინფორმაციას გულისხმობს, თუ რამდენიმეს:

„მე აღვიქვამ, რომ ეს არის 58 000 აუდიო ჩანაწერი, გადატანილი ტექსტად, თუმცა ეს არ ვიცი. ამ ციფრის მუდმივად ტირაჟირება იმის მცდელობაა, რომ ყველას მასობრივად უსმენენ. მარტივი არითმეტიკაა, თუ, პირობითად, უსმენენ 100 ადამიანს და თუ თითომ, დღეში თითო ზარი გააკეთა, ეს 100 აუდიო ფაილია. თუ თითომ, დღეში რამდენიმე, მაგალითად, 100 ზარი გააკეთა, 10 000 ფაილს მივიღებთ. 100 ადამიანს 3-4 კვირა თუ მოუსმენ, 58 000 ფაილიც მოგროვდება და მეტიც. საქართველოში, მობილური ტელეფონის 2 მილიონი მომხმარებელია. თუ თითოეული მათგანის თითო ზარს მოუსმენენ და შეინახავენ, 2 მილიონი ფაილი იქნება. თუ 2 მილიონს რამდენიმე კვირას მოუსმენენ, მივიღებთ რამდენიმე ასეულ მილიონ ფაილს. ამიტომ, მასობრივად უსმენენ თუ არა, კანონიერია და იყენებენ თუ არა მოსახლეობის წინააღმდეგ, გამოძიება დაადგენს. რჩება შთაბეჭდილება, რომ მანიპულაციებს აქვს ადგილი.

პირადად მე, როგორც ინფორმაციის მომხმარებელს, არ მჭირდება, როცა ერთჯერადად გასავრცელებელ ინფორმაციას სალექტრეზინად ასაღებენ და მთელი თვეა, თავზე გვახვევენ. მოაზროვნე ადამიანები გააკეთებენ დასკვნებს.

რაც ზემოთ აღვწერე, არ ნიშნავს უკანონო მოსმენების გამართლებას. სადაც კანონი დაირღვა, იქ პასუხისმგებლობა უნდა დადგეს. ამავდროულად, უნდა დადგინდეს, სადაა სიმართლე, სად – სიცრუე, სად – მანიპულაციები და შემდეგ ვიმსჯელოთ. ეჭვი მაქვს, გარკვეულ სიმართლეზე დაყრდნობით, რომ მასშტაბურ წინასაარჩევნო მანიპულაციებთან გვაქვს საქმე!“

იანვრიდან დღემდე საქართველოს მილიონზე მეტი ტურისტი ეწვია



შალვა ალავერდაშვილი:
„2019 წელთან შედარებით, წელს 50%-ით ნაკლები საერთაშორისო ტურისტი გვყავს, მაგრამ ეს მაინც კარგი მაჩვენებელია“

2021 წლის რვა თვეში, კოვიდპანდემიისა და მასთან დაკავშირებული გამოწვევების მიუხედავად, საქართველომ მილიონზე მეტი საერთაშორისო მოგზაურს უმასპინძლა. საქართველოს ეკონომიკისა და მდგრადი განვითარების მინისტრის მოადგილის, მარიამ ქვრივიშვილის განცხადებით, საქართველოს ორი მეზობელი ქვეყნის – რუსეთისა და აზერბაიჯანის სახმელეთო საზღვრები დახურულია, რის გამოც ტურისტები იმ დინამიკით ვერ შემოდებიან, რა მოლოდინიც გახსნილი სახმელეთო საზღვრების შემთხვევაში გვექნებოდა. პარალელურად, „საქართველოს სასტუმროებისა და რესტორნების ფედერაციის“ დამფუძნებელი, შალვა ალავერდაშვილი „ვერსიასთან“ საუბრისას ამბობს, რომ 2019 წელთან შედარებით, 2021 წელს, ქვეყანაში 50%-ით ნაკლები საერთაშორისო ტურისტი გვყავს, მაგრამ ეს მაინც კარგი მაჩვენებელია. მისი თქმითვე, კოვიდპანდემიისა და მისგან გამომდინარე რეგულაციების გათვალისწინებით, 2020 წლის მონაცემები იმდენად უმნიშვნელოა, რომ ჩავთვალოთ, შარშანდელი სტატისტიკა, უბრალოდ, არ არსებობს.

საქართველოს ეკონომიკისა და მდგრადი განვითარების მინისტრის მოადგილე, მარიამ ქვრივიშვილი ამბობს, რომ კოვიდპანდემიიდან გამომდინარე, ტურისტულ სექტორს და არა მხოლოდ, განსხვავებულ ფორმატში უწევს მუშაობა. მისივე თქმით, ბუნებრივია, რომ პანდემიამ და მასთან დაკავშირებულმა რეგულაციებმა, საერთაშორისო ვიზიტორთა ჩამოსვლის სტრუქტურაც შეცვალა.

„კერძოდ, თუ 2019 წლის იანვარ-აგვისტოში, საერთაშორისო ვიზიტორთა დიდი ნაწილი – 73.7%, საქართველოში სახმელეთო გზით შემოდიოდა, ხოლო 24.7% – საჰაერო გზით, 2021 წლის ანალოგიურ პერიოდში, ეს თანაფარდობა შეიცვალა და თითქმის გათანაბრდა. 2021 წლის რვა თვეში, საერთაშორისო ვიზიტორების 50% საქართველოში, საჰაერო გზით შემოვიდა“, – განაცხადა მარიამ ქვრივიშვილმა.

ტურიზმის სექტორის ოფიციალური სტატისტიკის მიხედვით, 2021 წლის რვა თვის მანძილზე, ტურიზმიდან მიღებულმა შემოსავლებმა, 2019 წლის ანალოგიური მაჩვენებლის 50%-ზე მეტი შეადგინა და 500 მილიონ აშშ დოლარს გადააჭარბა. რაც შეეხება ტურისტულ ვიზიტებს, ამ მაჩვენებელმა, 2019 და 2020 წლების ანალოგიურ პერიოდთან შედარებით, შესაბამისად, 26% და 96% შეადგინა.

საინტერესოა, რა ოდენობის შემოსავალი მიიღო ქვეყანამ ტურისტული სექტორიდან, სწორედ, პანდემიის გათვალისწინებით. სხვაგვარად რომ ვთქვათ, ტურიზმის ოფიციალური სტატისტიკა და საერთაშორისო ვიზიტორთა მშრალი ციფრები ლარებში გადავიყვანოთ და ვნახოთ, რა რაოდენობის შემოსავალი მიიღო სახელმწიფომ. საქართველოს ეროვნული ბანკის შეფასებით, მიმდინარე წლის იანვარ-ივნისში, უცხოური ტურიზმიდან 299.8 მილიონი აშშ დოლარი მივიღეთ, რაც გასული წლის იმავე პერიოდის მაჩვენებელს 34%-ით ჩამორჩება – 2020 წლის პირველ ნახევარში, ტურიზმიდან ქვეყანაში 456.5 მილიონი დოლარი შემოვიდა. როგორც ცნობილია, ტურიზმის მაჩვენებლების დრამატულად შემცირება პანდემიამ გამოიწვია.

„ალსანიშნავია, რომ 2020 წლის პირველ ნახევარში, 2019 წლის იმავე პერიოდთან შედარებით, ტურიზმიდან მიღებული შემოსავლები 79%-ით შემცირდა, რადგან 2019 წლის იანვარ-ივნისში, ტურიზმმა 1.46 მილიარდი დოლარის შემოსავალი მოგვიტანა. ჯამში, 2019 წელს, ტურიზმიდან 3.3 მილიარდის, ხოლო 2020 წელს – 541.7 მილიონი დოლარის შემოსავალი მივიღეთ“, – ვკითხულობთ ეროვნული ბანკის შეფასებაში.

რაც შეეხება ტურისტების რაოდენობას, სტატისტიკა აჩვენებს, რომ 2021 წლის იანვარ-ივნისში, საქართველოში სულ 464 126 უცხოური ვიზიტი განხორციელდა, რაც გასული წლის იმავე პერიოდის მონაცემს 62.2%-ით ჩამორჩება.

„კორონავირუსით გამოწვეულმა პანდემიამ ტურიზმის ინდუსტრია სერიოზულად დააზარალა. 2020 წელს, უცხოური ვიზიტების რაოდენობა, წლიურად, 80%-ით შემცირდა და მხოლოდ 1.5 მილიონი შეადგინა. ბოლო თვეებში, როგორც ვიზიტების, ასევე, ამ ვიზიტებიდან მიღებული შემოსავლების მატება შეინიშნება, თუმცა არსებული სტატისტიკით, ტურიზმის მაჩვენებლები პანდემიამდელ მონაცემებს მნიშვნელოვნად ჩამორჩება“.

ტურიზმის ოფიციალური სტატისტიკა რომ პანდემიამდელ მონაცემებს მკვეთრად ჩამორჩება, ამას „ვერსიასთან“ საუბრისას, „სასტუმროებისა და რესტორნების ფედერაციის“ დამფუძნებელი, შალვა ალავერდაშვილიც ადასტურებს.

„ვერსიის“ კითხვაზე, პანდემიისა და მისგან გამოწვეული რეგულაციების გათვალისწინებით, რამდენად გამართლდა ტურიზმის სექტორში დასაქმებულთა მოლოდინი წელს ანუ პანდემიის მეორე წელს, შალვა ალავერდაშვილმა გვიპასუხა:

„რეალურად, 2019 წელთან შედარებით, 2021 წელს, 50%-ით ნაკლები ტურისტი გვყავს, თუმცა ეს მონაცემები 2020 წლის მაჩვენებლებს ნამდვილად სჯობს! ამ ეტაპზე, თბილისის საშუალო დატვირთვა 50%-55%-ს შეადგენს. ჩათვალეთ, რომ 2020 წელი არ არსებობს, რადგან შარშანდელი მონაცემები საკმაოდ უმნიშვნელოა, იმდენად მკვეთრი ვარდნა გვექონდა. მართალია, 2019 წელთან შედარებით, 50%-ით ნაკლები ტურისტი გვყავს, მაგრამ ამ პირობებში, ეს მაინც ძალიან კარგი მაჩვენებელია“.

სხვათა შორის, საერთაშორისო ვიზიტორების მოზიდვის მიზნით, უკვე ერთ თვეზე მეტია, საქართველოს ტურიზმის ეროვნული ადმინისტრაცია გარკვეულ ღონისძიებებს ახორციელებს. მაგალითად, ივლისის ბოლოს, უწყებამ ცნობილი პოლონელი ჟურნალისტების 11-კაციან ჯგუფს უმასპინძლა, რომელთათვისაც სპეციალური პრეს-ტური გამართა. თავის მხრივ, ჟურნალისტებმა სხვადასხვა საერთაშორისო გამოცემებში, საქართველოს შესახებ სტატიები, რეპორტაჟები და ბლოგები მოამზადეს. ამის შემდეგ, ტურიზმის ეროვნულმა ადმინისტრაციამ ესტონელი ჟურნალისტების ჯგუფი მიიღო, უმასპინძლა პოპულარული ამერიკული გამოცემა The Daily Beast-ის წარმომადგენლებს და რამდენიმე დღის წინ, კვლავ, პოლონელი ჟურნალისტების ხუთკაციანი ჯგუფი მიიღო.

გარდა ამისა, მსოფლიოში ერთ-ერთმა ყველაზე გავლენიანმა სამოგზაურო გამოცემა – National Geographic-მა საქართველო და კერძოდ, სვანეთის რეგიონი, 2021 წელს, მსოფლიოს 25 საუკეთესო მმართველობებს შორის დაასახელა, რომელსაც პოსტ-პანდემიურ პერიოდში, ტურისტი აუცილებლად უნდა ეწვიოს.

25 საუკეთესო ტურისტული მიმართულების შერჩევაში National Geographic-ის გლობალური რედაქტორები მონაწილეობდნენ. მიმართულებები ხუთ კატეგორიად დაჰყვეს: ბუნება, თავგადასავალი, კულტურა, მდგრადობა და ოჯახი.

რაც მთავარია, National Geographic-ის პორტალზე სვანეთის ფოტოები განათავსეს და მკითხველებს რეგიონის შესახებ დეტალური ინფორმაცია ასე მიანოდეს:

„შორეულ, მაგრამ სტუმართმოყვარე სვანეთს 15 000 ფუტი სიმაღლის მწვერვალები დაჰყურებს. საქართველოს ჩრდილო-დასავლეთში მდებარე რეგიონი შუასაუკუნოვანი ქვის კოშკებით გამოირჩევა, რომელიც ერთდროულად საცხოვრებელ, ასევე, თავდაცვით ზღუდეს წარმოადგენდა. ეს ციხესიმაგრეები იმ ეპოქის დასტურია, როდესაც სვანური ოჯახები, პატარა სოფლებში, საკუთარი მიწის შესანარჩუნებლად მამაცურად იბრძოდნენ. ერთ-ერთი მათგანია უშგული, რომელიც მსოფლიო მემკვიდრეობის დაცულ ტერიტორიადაა გამოცხადებული. უშგული ევროპის ერთ-ერთი უმაღლესი დასახლებაა. ერთ დროს კანონის არარსებობით ცნობილი სვანეთი, დღეს, სტუმარ-მასპინძლობით გამოირჩევა. როგორც მოგზაური, მწერალი და ფოტოგრაფი, მიხალ გლომბოვსკი ამბობს, სვანეთში ქეიფი, სადღეგრძელოები და სასმელები დღიურ წესთა ნაწილია. სვანეთი გამოირჩევა ტრანს-კავკასიური სამთო ბილიკებით, ეს არის ამბიციური სალაშქრო ბილიკების ქსელი, რომელიც ერთმანეთთან აკავშირებს საქართველოს, სომხეთსა და აზერბაიჯანს. მოლაშქრეებისთვის პოპულარულია ოთხდღიანი ტურები მესტიიდან უშგულამდე, სადაც უმაღლეს მწვერვალებსაც ათვალეიერებენ“.

ბუნებრივია, უწყების ამგვარი სტრატეგია ძალიან მნიშვნელოვანია, განსაკუთრებით ახლა, როდესაც პანდემიიდან გამოწვეული რეგულაციების გამო, სექტორი საგრძნობლად დაზარალდა. მართალია, უცხოელი ჟურნალისტები საქართველოში მოგზაურობის ემოციებს საკუთარ სტატიებში გამოხატავენ და მკითხველებს ჩვენს ქვეყანაში მოგზაურობასაც სთავაზობენ, მაგრამ ეს ღონისძიებები მაინც არასაკმარისია. შალვა ალავერდაშვილი „ვერსიასთან“ საუბრისას ამბობს, რომ ამ ეტაპზე, მთავარი თემა პანდემიაა:

„თუ პანდემიას დროულად დავამარცხებთ, მოსახლეობა აიცრება და ვაქცინირებული მოქალაქეების პროცენტული მაჩვენებელი საგრძნობლად მაღალი იქნება, ტურისტები გვეყოლება ქვეყანაში, წინააღმდეგ შემთხვევაში, აქ არავინ ჩამოვა! მთავარი ესაა, თორემ ვის ჩამოვიყვანოთ და რას დავათვალეიერებინებთ, ამას ახლა ძალიან დიდი მნიშვნელობა ნამდვილად არ აქვს. რეალურად, ყველაზე მნიშვნელოვანია ვაქცინირებული მოსახლეობის პროცენტული მაჩვენებლები და კოვიდ-სტატისტიკა, რასაც უყურებს ქვეყნის უმეტესობა, განსაკუთრებით ევროპული ქვეყნები. აინტერესებთ, რა მდგომარეობაშია ქვეყანა, ეპიდსიტუაციის გათვალისწინებით. სწორედ აქედან გამომდინარე, გვეყოლება ან არ გვეყოლება უცხოელი ტურისტები ქვეყანაში. ამიტომ, კიდევ ერთხელ, თხოვნით მივმართავ ყველას – ავიცრაოთ, რადგან რეალურად, მხოლოდ ამაზე დგას, როგორც ტურიზმის, ასევე, ზოგადად, ქვეყნის ეკონომიკური განვითარების მომავალი!“

რატომაა სასარგებლო ზეითუნის ზეთი

ზეითუნის ზეთი თუ არ გარგებთ, არ განყენოთ, რადგან სამედიცინო გამოკვლევების თანახმად, ამ ზეთს საუკეთესო სამკურნალო თვისებები აქვს.

გულ-სისხლძარღვთა დაავადებების პროფილაქტიკა – ნამდვილი „შინაური“ ზეითუნის ზეთის (ამის ბედნიერება მხოლოდ მათ აქვთ, ვის ქვეყნებშიც ზეთისხილი მოდის) სამკურნალო თვისებების საიდუმლო რეკორდული რაოდენობის ცხიმოვანი მემბრანა-3-ის შემცველობაშია, რომელიც ხელს უშლის სისხლძარღვთა კედლებზე ათეროსკლეროზული ბალთების დალექვას და არსებულსაც სპობს. ეს გულ-სისხლძარღვთა დაავადებების, განსაკუთრებით კი, ინფარქტისა და ინსულტის თავიდან ასაცილებლად ეფექტური ნატურალური პროფილაქტიკური საშუალება გახლავთ.

გარდა ამისა, ზეითუნის ზეთი შეიცავს ა, დ, ვ და კ ვიტამინებს, რომლებიც ძვლებს, კუნთებსა და იმუნურ სისტემას განამტკიცებენ.

წნევის მონესრიგება – ზეითუნის ზეთი არტერიულ წნევას აწესრიგებს (ზეთისხილის ხის ფოთლის ექსტრაქტს ჰიპერტონიის სანინალმდეგო პრეპარატების წარმოებაშიც იყენებენ), ჭრილობებს ახორცილებს, ადამიანს იცავს დიაბეტისა და სიმსუქნისგან. ასევე, სასარგებლოა მათთვისაც, ვისაც სანაღვლე გზების დისფუნქცია აწუხებთ. ორგანიზმს ეხმარება საჭმლის მონელებაში.

ზეითუნის ზეთი არ შეიცავს ქოლესტერინს და სისხლში მისი დონის დაწვევაც შეუძლია.

ამერიკელი მეცნიერები თვლიან, რომ ოლეინის მჟავა, რომელიც ზეითუნის ზეთში ბევრია, კიბოს უჯრედების გენს ასტიმულირებს. შესაბამისად, ქვეითდება ონკოლოგიური დაავადებების განვითარების რისკიც. სპეციალისტების აზრით, ზეითუნის ზეთს, ბუნებრივი ანტიოქსიდანტების მაღალი შემცველობის გამო, კიბოს სანინალმდეგო თვისებები აქვს.

100%-იანი ამთვისებლობა ზეითუნის ზეთის კიდევ ერთი მნიშვნელოვანი ფაქტორია. ორგანიზმი მას თითქმის სრულად გადაამუშავებს და ეს მაშინ, როცა მზესუმზირას ზეთის მხოლოდ 80%-ის გადაამუშავება ხდება. ამის მიზეზი ჩვენი ორგანიზმის სიცოცხლისუნარიანობისთვის აუცილებელი ოლეინის მჟავის მაღალი შემცველობაა.

ზეითუნის ზეთი, ასევე, სასარგებლოა შენთვისაც.

როდის არ უნდა მიიღოთ თევზის ქონი



თევზის ქონი იმითაა სასარგებლო, რომ მასში A ვიტამინის მაღალი კონცენტრაციაა. ასევე, დიდი რაოდენობით D ვიტამინს შეიცავს, რომლის ნაკლებობაც ბავშვებში რაქიტის განვითარებას იწვევს. ისეთი ნივთიერებები კი, როგორებიცაა რკინა, მაგნიუმი, კალციუმი, მარგანეცი, მასში შედარებით მცირე რაოდენობითაა.

სხვათა შორის, ცნობილი ექიმი რობერტ ატკისონი წერდა, რომ გრენლანდიაში მცხოვრები ესკიმოსები, რომლებიც სელაპის ხორცი და ვეშაპის ქონით იკვებებიან, გულ-სისხლძარღვთა სისტემის დაავადებებით, პრაქტიკულად, არასოდეს ავადდებიან. ამის მთელი საიდუმლო კი ისაა, რომ თევზის ქონი სისხლში ტრიგლიცერიდების დონეს აქვეითებს. თუ ტრიგლიცერიდების დონე აწეულია, ეს ბევრად უფრო საშიშია, ვიდრე – სისხლში ქოლესტერინის მაღალი დონე, რადგან ამ დროს გული და სისხლძარღვები დიდ დატვირთვას განიცდის.

1. თევზის ქონი აქვეითებს გულის რიტმის დარღვევის რისკს და მისი რეგულარულად მიღების შემთხვევაში, შეიძლება, სისხლის წნევაც მონესრიგდეს, რაც ჰიპერტონიანთათვის დიდი შეგებაა.
2. თევზის ქონი წარმატებით გამოიყენება კიბოს, კერძოდ, მკერდის კიბოს მკურნალობის დროს, რადგან ქსოვილებს ომეგა-3 ცხიმოვანებით კვებავს.
3. თევზის ქონის მიღება სასარგებლოა მათთვისაც,

ვინც ართრიტითაა ავად, რამდენადაც ამ დროს სახსრების ტკივილი საგრძობლად ქვეითდება, მოძრაობა კი, პირიქით, იზრდება. მსგავსი თერაპევტული ეფექტი შეინიშნება სახსრებისთვის საჭირო ფელატინის მიღებისას, მაგრამ ამ ხალხურ საშუალებაზე ცოტამ იცის.

4. თევზის ქონი კანის მდგომარეობას აუმჯობესებს – უფრო გლუვი, ნაკლებად მშრალი და აქერცვლადი ხდება. არის შემთხვევები, როცა თევზის ქონის რეგულარული მიღებისას, ფსორიაზი სწრაფად განკურნებულა.

თევზის ქონი, ასევე, სასარგებლოა თმისთვის – ისე იყენებენ, როგორც ცხიმოვან ფუძეს საოჯახო ნიღბებისთვის.

5. თევზის ქონი მოქმედებს, როგორც კარგი მატონიზირებელი და ზოგადგამაჯანსაღებელი საშუალება. კურნავს დეპრესიას.

6. თევზის ქონი რეკომენდებულია ფეხმძიმეებისთვის – ხელს უწყობს ახალშობილის ჯანმრთელი ნერვული სისტემის ჩამოყალიბებაში.

თევზის ქონთან ფრთხილად უნდა იყენებდნენ დაბალწნევიანები. მისი მიღება არც იმ შემთხვევაში შეიძლება, თუკი თევზზე ალერგია, ფარისებრი ჯირკვლების, თირკმლების, შარდსადენი სისტემის პრობლემები, კუჭ-ნაწლავის ტრაქტის დაავადებები განუხებთ, ან სისხლში კალციუმის შემცველობაა აწეული.

დღეგრძელობის 18 მცნება

ამბობენ, ყველა ადამიანს დღეგრძელობის საკუთარი საიდუმლო აქვსო. ყენევის საუნივერსიტეტო ჰოსპიტალის ექიმებმა კი, დღეგრძელობის უნივერსალური რეკომენდაციები შეიმუშავეს:

დაკავდით უჩვეულო საქმით – ბევრი დღეგრძელი თვლის, რომ მესამე დაბადების დღის აღნიშვნაში მუსიკალურ ინსტრუმენტზე დაკვრა, ან უცხო ენის შესწავლა დაეხმარა. ასე რომ, თუ გინდათ, რომ ასი წელი იცოცხლოთ, დაიწყეთ ვოკალში მეცადინეობა, თუნდაც 40 წელს იყოთ გადაბიჯებული.

მამაკაცებო, დაქორწინდით! – როგორც გამოკვლევები აჩვენებს, ცოლიანი მამაკაცები, უცოლოებთან შედარებით, 3 წლით მეტ ხანს ცოცხლობენ.

შეიყვარეთ პომიდორი! – დღეში 1-2 პომიდორის მირთმევა გულ-სისხლძარღვთა დაავადებების რისკს 30%-ით აქვეითებს.

ჩააბარეთ სისხლი! – მამაკაცი დონორები 17-ჯერ ნაკლებ ზარალდებიან გულის შეტევებით, ვიდრე ისინი, ვინც სისხლს არ აბარებენ.

მოუსმინეთ კლასიკურ მუსიკას! – მკვლევარები დარწმუნებულნი არიან, რომ ბეთჰოვენის მუსიკა გულის რიტმს აწესრიგებს, წნევას აქვეითებს და დაძაბულ კუნთებს ადუნებს; მოცარტის ნაწარმოებები კი, ტვინის მუშაობას აუმჯობესებენ.

იყავით ისეთი, როგორც ხართ! – თუკი არ მოგწონთ, საზოგადოებრივ აზრს მაინცდამაინც ნუ დაექვემდებ-

ბარებით, რადგან გარშემომყოფთა სიამოვნებისთვის საკუთარი ჩვევების „მსხვრევა“ ძალიან დიდი სტრესია, რაც სიცოცხლეს ამოკლებს.

მიირთვით ძირხვენი! – ძირხვენა მიწის ზემოთ მოწეული ნაყოფისგან იმით განსხვავდება, რომ მასში არსებული ვიტამინები, დროის გასვლასთან ერთად, კი არ ქრება, არამედ, პირიქით, გროვდება!

ენვით მშობლებს! – როცა ადამიანი დედის გვერდით იმყოფება, წნევა უწესრიგდება.

ნუ გადაყრით პურის ქერქს, განსაკუთრებით ჭვავის პურისას! – პურის ქერქი 8-ჯერ მეტ ანტიოქსიდანტ პრონილიზინს შეიცავს, ვიდრე – რბილობი.

იყოლიეთ ძალი, ან კატა! – მათ, ვისაც ძალი, ან კატა ჰყავთ, იშვიათად აწუხებთ სტრესი და მაღალი წნევა.

შეიძინეთ მალვიდარა მსუბუქი მუსიკით! – უცაბედი მაღალი ხმა დილაუთენია გულის შეტევის რისკს ზრდის. ჩვენი სხეული მაღალ ბგერებს საშიშროების სიგნალად აღიქვამს და შესაბამისადაც რეაგირებს – გამოსტყორცნის ადრენალინს, რომელიც გულს ზედმეტად ძაბავს.

გადაადგეთ აბაზანის ფარდა! – პრაქტიკამ აჩვენა, რომ ფარდები აბაზანაში ბაქტერიებისა და სოკოების სათბურია, რომელსაც ალერგიისა და ასთმის გამონევა შეუძლია. შეცვალეთ ფარდა შუშის კაბინით, რომელიც ადვილად გასაწმენდია.

ინამეთ ღმერთი! – სტატისტიკა ამტკიცებს, რომ ისინი, ვინც რეგულარულად დადიან ეკლესიაში, ან სხვა

რელიგიურ ადგილებში, საშუალო სტატისტიკურ მოსახლეობასთან შედარებით, 3-5 წლით მეტს ცოცხლობენ.

მიირთვით ნიგვზეული! – ბრაზილიური კაკალი (ძალიან უცნაური ნაყოფია – მისი გარჩეული გული ნუშს მოგაგონებთ) კრემნიუმითაა მდიდარი, რაც კიბოთი დაავადების რისკს 40%-ით აქვეითებს, მაგრამ არც ჩვენებური ე. წ. ბერძნული კაკალია ნაკლები! კიბოსგან ჩვეულებრივი თხილიც იცავს და ამის მიზეზი E ვიტამინის მაღალი შემცველობაა. ნიგვზეულის თითოეულ სახეს თავისი სასარგებლო თვისებები აქვს, მთავარია, მათზე ალერგია არ გქონდეთ. ისე, მარილიანი ნიგოზი არაა რეკომენდებული.

ხშირად იყავით ქალაქგარეთ! – სოფლები უფრო პოზიტიურად უყურებენ ცხოვრებას, ვიდრე – ქალაქელები, რომლებიც გამოუმეხებული სტრესისა და აჩქარებული ცხოვრების ატმოსფეროში ცხოვრობენ.

შეისწავლეთ ეტიკეტი! – მისი დახმარებით შეიძლება, იმ პროდუქტის შეძენა გადაიფიქროთ, რომლის ეტიკეტზეც ვ ასოთი აღნიშნულია საღებავები და მოდიფიცირებული სახამებელი. ამგვარად, თქვენი საკვები უფრო ჯანსაღი და ნატურალური გახდება.

მიეცით თავს სისუსტეების უფლება! – ექსპერტები თვლიან, რომ საყვარელი საქმიანობა, ან ჰობი, მაგალითად, შოპინგი თუ თეატრში სიარული ფიზიკულურულ ვარჯიშებზე არანაკლებ სასარგებლოა.

უყურეთ სერიალებს და ერთმანეთს ბევრი აკოცეთ!



სამართალი

№34 22 სექტემბერი 2021 წ

ევროპაში „მოდვანე“ ქართველმა „კანონიერმა ქურდებმა“ ნიკა კვარაცხელიას მკვლელების მოკვლის ბრძანება გასცეს


ბათო ჯაფარიძე

2001 წელი, 25 აგვისტო, მოსკოვი... ვუჩეტიჩის ქუჩაზე მდებარე კოტეჯი, რომელიც ახალგაზრდა კაცს აქვს ნაქირავები და დიასახლისთან ერთად ცხოვრობს. დიასახლისი ახალგაზრდათი კმაყოფილია, ფულს დროულად იხდის, შინ ქალები არ დაჰყავს, არ სვამს... ახლაც, სახლიდან ნაშუადღევს, პირველ საათზე გავიდა, საკუთარ ავტომობილში ჩაჯდა და... აფეთქების ხმამ კოტეჯის ფანჯრები ჩაამსხვრია. დიასახლისმა მილიციასა და სასწრაფოში დარეკა. ექიმებმა ცოცხალს მიუსწრეს, საავადმყოფოში გადაიყვანეს და რენანიმაციაში 14 საათი აცოცხლეს, მაგრამ აფეთქება იმდენად ძლიერი იყო, რომ დაზარალებული გონსმოუსვლელად გარდაიცვალა. მოგვიანებით, ექსპერტმა თქვა, რომ თავდამსხმელებმა ხელნაკეთი ბომბისთვის, მინიმუმ, 200 გრამი ტროტილი გამოიყენეს და ჩანთა, რომელშიც ასაფეთქებელი მოწყობილობა იდო, ლურსმნებით იყო სავსე. სწორედ ეს ლურსმნები იყო გარდაცვლილის სხეულში მიმოფანტული. მოკლული საქართველოს მოქალაქე, „კანონიერი ქურდი“, 37 წლის დავით კაკულია, მეტსახელად, „დათო ტბილისკი“ გახლდათ. კაკულია იმ დროის ერთ-ერთი ყველაზე გავლენიანი ქურდი იყო და მას ტიტული ისეთი „კანონიერი ქურდებისგან“ ერგო, როგორებიც არსენ მიქელაძე, პაატა ჩლაიძე და ავთანდილ ჩიხლაძე იყვნენ. როგორც მაშინ რუსულმა მედიამ დაწერა, კაკულია კრიმინალურ გარჩევებს ემსხვერპლა და კონკურენტების აფეთქებას თავადაც აპირებდა, უბრალოდ, დაასწრეს. ეს ვერსია კი მას შემდეგ წარმოიშვა, რაც კოტეჯის ჩხრეკისას, სამართალდამცავებმა ხელნაკეთი ბომბი იპოვეს, რომელშიც... 200 გრამი ტროტილი იყო.

მომხდარიდან 20 წლის შემდეგ, 2021 წლის 15 სექტემბერს, თბილისში, ვერაზე, ანჯაფარიძის ქუჩაზე, ქართველ ცუკურბერგად შერაცხული, უნიჭიერესი ახალგაზრდა, ნიკა კვარაცხელია საკუთარ ავტომობილში ჩაცხრილეს. თავდამსხმელმა მას ცხრა ტყვია ესროლა, საიდანაც მიზანს რვამ უნია. დაჭრილი კვარაცხელია ექიმებმა საავადმყოფომდე ცოცხალი მიიყვანეს, თუმცა მისი გადარჩენა ვერ მოახერხეს. გარდაცვლილი ბიჭი „კანონიერი ქურდის“, გია კვარაცხელიას შვილი გახლდათ.

რად თქმა უნდა, მაშინვე წარმოიშვა ვერსია, რომ ნიკას მკვლელობა მამის საქმიანობას უკავშირდებოდა და ეს, იმის მიუხედავად, რომ უმცროსი კვარაცხელია არასდროს ყოფილა შემჩნეული კრიმინალში. სამი წლის წინ, ის საქართველოში საფრანგეთიდან დაბრუნდა, სადაც განათლება მიიღო და ტექნოლოგიების სფეროში საქმიანობდა. ნიკა პლატფორმა FeedC-ის დამფუძნებელი გახლდათ და მას სტატია „ფორბსმაგ“ მიუძღვნა, როგორც მსოფლიოს ერთ-ერთ პროგრესულად მოაზროვნე ახალგაზრდას და მომავალ მილიარდერს.

ვინც ნიკას იცნობდა, ყველა აღიარებს, რომ სამყაროს სხვანაირი აღქმა ჰქონდა, სხვანაირად ხედავდა მოვლენებს და არა მარტო საქართველოში, არამედ, მსოფლიოშიც ხმამაღალ სიტყვას ძალიან მალე იტყოდა. მაშ, რა მოხდა, რატომ მოკლეს ბიჭი, რომლის მთავარი „დანაშაული“ „კანონიერი ქურდის“ შვილობა იყო?!



შეუკვეთეს თუ არა „დათო ტბილისკის“ შვილებმა გია კვარაცხელიას ვაჟის მკვლელობა

ყოველ შემთხვევაში, გამოძიებას სხვა ვერსია ჯერჯერობით არ აქვს.

მკვლელობაში ორი ეჭვმიტანილია – 21 წლის ალექო ჭელიძე და 22 წლის გიორგი კავილაძე. როგორც შს სამინისტროს კულუარებში ამბობენ, გასროლა ჭელიძემ განახორციელა, კავილაძე კი დაქოქილ მანქანაში იჯდა და მკვლეელი იქაურობას ოპერატიულად გააცილა. იმასაც ამბობენ, რომ ორივე მათგანმა საქართველო უკვე დატოვა და საზღვარი არაღეგალურად, აღმოსავლეთ საქართველოს მხარეს გადაკვეთა. ეს უკვე დაზუსტებული ინფორმაციაა – ჭელიძის ოჯახის წევრები მომხდართი შოკირებულები არიან. რაოდენ დაუჯერებლადაც უნდა ჩანდეს, მკვლელობაში ეჭვმიტანილის მშობლები წესიერი ხალხია, საზოგადოებაში ავტორიტეტით სარგებლობენ და რაც მთავარია, მათ ფინანსურად არ უჭირთ ანუ გამოირიცხებოდა, მკვლელობაში ეჭვმიტანილი ვინმეს ფინანსურად მოეხიბლა და შეკვეთილ მკვლელობაში ფული აეღო.

სამართალდამცავებიც და ორივე ოჯახის მეგობრებიც ვარაუდობენ, რომ საქმე 20 წლის წინ მომხდარ მკვლელობას ეხება. მაშინ არაოფიციალურად ხელი, სწორედ კვარაცხელიასკენ გაიშვირეს და თქვეს, რომ დათო კაკულიას მკვლელობა, სწორედ გია კვარაცხელიამ შეუკვეთა, თუმცა დაზუსტებული ინფორმაციითვე, მხარეებს შორის შეხვედრა შედგა, კვარაცხელია პირადად ესაუბრა კაკულიას შვილებს და დაარწმუნა, რომ მათი მამის მკვლელობასთან შეხება არ ჰქონია.

როგორც გვეუბნებიან, კაკულიებმა კვარაცხელიას ხელიც ჩამოართვეს და წლების განმავლობაში, მასთან ჩვეულებრივი ურთიერთობა ჰქონდათ. უფრო მეტიც, კაკულიებს თუ კვარაცხელიას მოკვლის სურვილი ჰქონდათ, ამას მარტივად მოახერხებდნენ და ოჯახის წევრზე შურს არ იძიებდნენ. მაშ, რა მოხდა ახლა, რამაც სიტუაცია რადიკალურად შეცვალა?

ევროპაში მცხოვრები „კაი ბიჭები“ არ გამოირიცხავენ, რომ ძმები კაკულიები ვილაცამ, ვისიც მათ სჯერათ, დაარწმუნა, რომ მამა სწორედ კვარაცხელიამ მოუკლა და ამ ხნის განმავლობაში, უბრალოდ, ატყუებდა. ეს გახდა ასეთი სასტიკი შურისძიების მიზეზიც ანუ მათი

თქმით, კვარაცხელიას არ აბატიეს ის, რომ წლების განმავლობაში, მამის მკვლელთან კარგი ურთიერთობა ჰქონდათ. არავინ უარყოფს, რომ მკვლელობამდე ცოტა ხნით ადრე, კაკულიები სომხეთში იმყოფებოდნენ. 4 დღით სომხეთში იყო წასული მკვლელობაში ეჭვმიტანილი ჭელიძეც და საქართველოში, ნიკა კვარაცხელიას სიკვდილამდე 3 დღით ადრე დაბრუნდა. მიიღო თუ არა მან კაკულიებისგან კვარაცხელიას მოკვლის დავალება, ძნელი სათქმელია, მაგრამ ფაქტები დროსა და სივრცეში ერთმანეთს ძალიან საეჭვოდ ემთხვევა.


ახლა კი მთავარი: ევროპაში მცხოვრები ქართველები ამბობენ, რომ უკვე გატარდა „პრაგონი“, რომლის მიხედვითაც, მკვლელობაში ეჭვმიტანილებს არათუ თავშესაფარი უნდა მისცეს არავინ, ვისაც „კაიბიჭური“ ცხოვრება სურს, არამედ, ისინი უნდა დახოცონ. ქურდული „კანონებით“, ოჯახის წევრის განზრახ მკვლელობა ჩარჩობში არ ჯდება, მით უმეტეს, თუ ოჯახის ეს წევრი კრიმინალთან კავშირში არ არის და შეხება არც „შავ სამყაროსთან“ აქვს. შედეგად, ჭელიძისა და კავილაძის ქვეყნიდან გასვლა, ამ ეტაპზე, მხოლოდ იმას ნიშნავს, რომ ისინი ქართულ მართლმსაჯულებას გაექცნენ, გაექცვიან თუ არა ქურდულ ვენდეტას, ძნელი სათქმელია.

„არცთუ იშვიათად ყოფილა, როცა „კანონიერი ქურდის“ მკვლელის მოკვლისთვის, მკვლელისთვის „კანონიერი ქურდის“ გვირგვინი დაუდგამთ. თითქმის ანალოგიური შემთხვევაა ახლაც. გადაჭრით შეიძლება იმის თქმა, რომ თუ რომელიმე „კაი ბიჭი“ ნიკას მკვლელობაში ეჭვმიტანილებს მოკლავს, გია კვარაცხელია მათ ქურდის წოდებას არ დაამადლის. ამ სახელის ასე „მარტივად“ მოპოვება კი ძალიან ბევრს სურს“, – ამბობენ ევროპაში მცხოვრები კრიმინალები...

21-ე საუკუნეში, „კანონიერი ქურდობა“ კვლავ რომანტიულად რომ ჟღერს, „კაი ბიჭები“ კვლავ რომ არსებობენ და მათი არსებობა ყველამ იცის, სწორედ ეს გახლავთ ტრაგედია. ისიც ითქვა, კაკულიები კვარაცხელიას მოკვლის სანაცვლოდ, მის მკვლელებს შეპირდნენ „კანონიერი ქურდის“ ტიტულს და ყველაფერი ერთ დიდ ჯოჯოხეთს რომ ემსგავსება, ალბათ, თქვენც ატყობთ?!

როგორ გადაურჩა სემსუალური მანიაკი დახვრეტას

ვინ იყო სუნიანი კაცი, რომელსაც საბჭოთა მილიცია ორი წელი ეძებდა



როგორც ახლა, არც ადრე იყო რიგითი დანაშაულები. მაშინაც და ახლაც დიდი მნიშვნელობა იმას ჰქონდა და აქვს, ვინაა დამნაშავე და ვინ – დაზარალებული. სამსუხაროდ, ცნობილი ადამიანების შვილები თუ ნათესავები მაშინაც ნაკლებად ისჯებოდნენ. იმ შემთხვევაში კი, თუ დაზარალებულები ძლიერი ანა ქვეყნისანი იყვნენ, მათი შემწეებელი პასუხს კანონის მთელი სიმკაცრით აგებდა. ჰოდა, ხომ წარმოგიდგენიათ, რა მოხდებოდა 1977 წელს, მორდოვის ავტონომიური რესპუბლიკის დედაქალაქ სარანსკში, ლიდია ბორზოვა რომ მოკლეს. ეს ქალი ადგილობრივი ფსიქიატრიული საავადმყოფოს მთავარი ექიმი იყო, მაგრამ ეს კიდევ არაფერი – ლიდია ცენტრალური კომიტეტის პირველი მდივნის, ლეონიდ ბრეჟნევის პირადი თანაშემწის და გახლდათ. როგორც კი მკვლელობის შესახებ გახდა ცნობილი, ბრეჟნევი საბჭოთა კავშირის შს მინისტრი, ნიკოლაი შროლოკოვი დაიბარა და მათი მეგობრობის მიუხედავად, მოკლედ მოჭრა – ან დამნაშავე ორ კვირაში იქნება დაკავებული, ან თანამდებობას დატოვებო.

„ეს, იცით, რას ნიშნავდა? – დასასრულის დასაწყისს. შროლოკოვმა სპეცხაზით ყველა რესპუბლიკის შს მინისტრს ჩამოურეკა და უთხრა, რომ მორდოვიაში საუკეთესო მძებრები გაეშვათ. თუ საქმე არ გაიხსნებოდა, აბსოლუტურად ყველა მინისტრი შეიცვლებოდა, თუმცა თავად შროლოკოვი მოახერხებდა პოსტზე დარჩენას, რადგან ღრმად სწამდა, ლეონიდ ილიჩი ბოლომდე არ გაიმეტებდა. ამიტომ, შუა ზამთარში, მორდოვიაში აღმოვიჩინე და თავ-ბედს ვინყევლიდი, რადგან საქართველოში, იმ დროს ყინვებიც არ იყო, იქ კი გადააფურთხებდი და მიწას ყინული ეცემოდა“, – იხსენებს პოლიციის გადამდგარი პოლკოვნიკი, ბატონი თენგიზი.

ექსპერტიზის დასკვნით, ქალბატონი დანა „ფინკა-თი“ იყო მოკლული, მკვლელობამდე კი გაუპატიურებული. რა ძნელი მისახვედრია, რომ პირველ რიგში, ეჭვი იმ სამსახურზე მიიტანეს, სადაც ლიდია ბორზოვა მუშაობდა. ფსიქიატრიული საავადმყოფო არ არის რიგითი დანესებულება და გაჩნდა ეჭვი, რომ მთავარი ექიმის მუშაობა რომელიმე პაციენტს არ მოეწონა და შური ამ გზით იძია. ასეთი პაციენტი მალე ნახეს, რომელიც ბოლო ხმაზე ყვიროდა, რომ ბორზოვა ეზიზღებოდა და მის მოკვლას აპირებდა. შროლოკოვისთვის ეს საკმარისი იყო და გენსეკს უპატაკა, რომ მისი თანაშემწის დის მკვლეელი დააკავეს და მალე სასამართლო შესაბამის განაჩენსაც გამოუტანდა. არადა, დაკავებული შეურაცხადი იყო და მისი გასამართლება არ შეიძლებოდა.

„შროლოკოვი ჭკვიანი კაცი იყო. კარგად ხვდებოდა, რომ მკვლელს ასე მარტივად ვერ ვიპოვიდით, ამიტომ ბრეჟნევის ვილაც ავადმყოფი შეაჩერა, ჩვენ კი საიდუმლო ბრძანება მივიღეთ, რომ ყველა მიმართულებით გვემუშავა და მკვლეელი გვეძებნა. ამით, შს მინისტრმა თავიც გადაიჩინა და გამოძიების ვადაც გაზარდა“, – გვიყვება ბატონი თენგიზი.

რეალურად, სამართალდამცავებმა მკვლელს ვერც ორ კვირაში მიაგნეს და ვერც – ორ თვეში. მორდოვიაში სასწრაფო წესით ჩასული მძებრები სამსახურებში დაბრუნდნენ, ოფიციალურად საქმეს გახსნილი დაერქვა, არაოფიციალურად კი ყველამ იცოდა, რომ მკვლეელი ვერ იპოვეს. მომხდარიდან ორი წელი იყო გასული, როცა კალინინგრადის ოლქის ქალაქ სვეტლაგორსკში, უცნობი მამაკაცი ერთ-ერთ დამსვენებელს თავს დაესხა, გაუპატიურა და დანა სამჯერ დაარტყა. საბედნიეროდ, ქალი გადარჩა და სამართალდამცავებს უთხრა, რომ ერთადერთი, რაც ახსოვდა, ჭუჭყის აუტანელი სუნი იყო. ისეთი შეგრძნება იქმნებოდა, თითქოს მოძალადეს წლების განმავლობაში ტანი არ დაეხანა. ბედის ირონიით, სვეტლაგორსკში ის ექსპერტი მუშაობდა, რომელიც ორი წლის წინ, ბორზოვას მკვლელობის საქმეზე

დებდა დასკვნას. მას ჭრილობა ეცნო და მეორე დღეს დაბეჯითებით ამტკიცებდა, იგივე დანა, იგივე ხელნერა და იგივე სიძლიერით მიყენებული ჭრილობები. რა თქმა უნდა, ყველაფერი შროლოკოვს მოახსენს და საიდუმლო ბრძანებაც გასცა – ეძებეთ!

„იმის გამო, რომ 1977 წელს, სულ რამდენიმე ადამიანმა ვიცოდით სარანსკში გამოძიებული საქმის რეალური არსი, კვლავ ჩვენ შეგვკრიბეს და გვითხრეს, რომ მკვლეელი ახლა მანაც უნდა დაგვეჭირა. პირველივე თათბირის შემდეგ ვიცოდით, რომ ამჯერად ვერსად გაგვექცეოდა, რადგან შემთხვევიდან მეორე დღეს, იმავე სვეტლაგორსკში კიდევ ერთი ქალი გაუპატიურეს და მოკლეს, შემდეგ – კიდევ ერთი, თუმცა მან სიკვიდლის წინ მოასწრო იმის თქმა, რომ დამნაშავე... საშინლად ყარდა ანუ ჩვენს მკვლელს მანიაკალური გრძობები ჰქონდა აშლილი და კარგა ხანს ვერ დაინყნარებდა“, – გვიყვება ბატონი თენგიზი.

შეიქმნა მიახლოებითი აღწერილობაც და რაც მთავარია, რამდენიმე დადასტურა, რომ მამაკაცს მუდმივად სპორტული თანსაცმელი ეცვა. დაიწყეს თვალთვალი და რაც მთავარია, სანაპიროზე გაუშვეს გამომწვევად ჩაცმული მილიციის თანამშრომელი ქალები, თუმცა თავდამსხმელი საოცარ წინდახედულობას იჩენდა და თავდასხმა ერთ თანამშრომელზეც არ უცდია – თითქოს ხვდებოდა, რომ მახეს უგებდნენ და სრულიად სხვა, არაფრით გამოირჩეულ ქალებს აუპატიურებდა და თუ ახერხებდა, კლავდა. აი, მისი სიმყრალე კი ყველა გადარჩენილმა დაზარალებულმა დაადასტურა. ადრე თუ გვიან, მკვლეელი აუცილებლად დაუშვებდა შეცდომას და საბჭოთა კავშირის საუკეთესო მძებრებს, უბრალოდ, ვეღარ გაექცეოდა, თუმცა...

მოსახლეობამ საკურორტო ქალაქში, საღამოობით, ჯგუფ-ჯგუფად დაიწყეს სიარული. ყველა ერიდებოდა ადამიანს, რომელიც აუპატიურებდა და კლავდა, თუმცა იყო გამონაკლისი. ერთ-ერთი სასადილოს მზარეული ქალი, რომელიც ღიმილით ამბობდა ხოლმე, სადმე თუ წავასწარი იმ მანიაკს, მე ვიცი, როგორც მოვექცევიო. ჰოდა, ერთხელაც, შინ მიმავალს თავს დაესხნენ. თავდამსხმელის სიმყრალე ქალს მაშინვე ცხვირში ეცა, მიხვდა, ვისთანაც ჰქონდა საქმე და...

„ჯანიანი ქალი იყო, მერე ამბობდნენ, სამზარეულოში ფქვილის თუ შაქრის ტომრებს მარტო დაათრევსო და იმ თავდამსხმელსაც მოსდო და მოსდო. ასეთი წინააღმდეგობით გაცოცხლები მანიაკი გაიქცა, ქალი გაეკიდა და გზადაგზა ურტყამდა. საბოლოოდ, კაცი გაიქცა, მაგრამ ქალი მილიციაში მივიდა და დანა – „ფინკა“ მიიტანა, რომელიც დამნაშავეს წაართვა და რომელზეც ქალის გარდა, სხვა თითის ანაბეჭდებიც იყო ანუ ჩვენ უკვე მკვლელის ანაბეჭდები გვექონდა“, – იხსენებს ბატონი თენგიზი.

კარტოთეკაში გადამონებამ სამართალდამცავებს ახალი არაფერი მისცა. ნათელი გახდა, რომ დამნაშავე მანამდე ნასამართლევ არ იყო. ერთადერთი, რაც შეიძლება დადებითი ყოფილიყო სამომავლოდ, ანაბეჭდი გახლდათ ანუ თუ მკვლელს დააკავებდნენ, ბრალდებას მარტივად წაუყენებდნენ. სამსუხაროდ, დამნაშავის კვალი კვლავ გაქრა და კვირა ისე გავიდა, მანიაკს თავდასხმა აღარ განუხორციელებია. მოსახლეობამ ყურადღება ცოტა მოადუნა და... ერთ საღამოს, ში-

ნისკენ მიმავალ ახალგაზრდა ქალს უცნობი მამაკაცი გადაუდგა და ყელზე დანა დაადო. ქალს სიმყრალის უსიამოვნო სუნი ეცა და თავდამსხმელს მორჩილად გაჰყვა მოფარებულში, რომელიც სანარმოს უკანა მხარეს. ამ დროს კაცმა ნაიბორძიკა და დაეცა, გოგონამ გასხლტომა მოასწრო და უკანმოუხედავად გაიქცა. საბედნიეროდ, დაახლოებით, 150 მეტრში, ის მილიციის ორ თანამშრომელს გადაეყარა და მომხდარის შესახებ უთხრა. სამართალდამცავებმა გეზი მითითებული ადგილისკენ აიღეს და დაინახეს, როგორ იფერთხავდა შარვლიდან მტვერს მამაკაცი, რომელიც ფორმიანების დანახვაზე უკანმოუხედავად გაიქცა. მილიციის თანამშრომლები ფეხდაფეხ მიჰყვნენ. გაქცეულმა სანარმოს შემოუარა და... გაქრა. სამართალდამცავები გაოგნდნენ, ერთადერთი, მას შეეძლო, სანარმოს ტერიტორიაზე შესულიყო, მაგრამ ამას გადაძრომით ვერ მოახერხებდა, სანარმოს ძალიან მაღალი ღობე ჰქონდა, კარში კი დარაჯი იდგა.

„სწორედ ეს აღმოჩნდა გარდამტეხი. ჩვენი კოლეგები დარაჯთან მივიდნენ და ჰკითხეს, ხომ არ შევიდა ვინმე ტერიტორიაზე. მანაც მშვიდად მიუგო, როგორ არა, კომუნალური განყოფილების უფროსი, ალექსეი მიტროფანენკო, სულ რაღაც 5 წუთია, ტერიტორიაზე შემოვიდაო. მკვლელის ვინაობა ვიცოდით, მისი დაჭერა კი ტექნიკის საქმე იყო“, – გვიყვება ბატონი თენგიზი.

მიტროფანენკო ქალაქში დაფასებული კაცი იყო. კომუნალური განყოფილების უფროსობა მაშინ მარტივი თანამდებობა არ გახლდათ, ყველას სჭირდებოდა სანტექნიკოსიც, ელექტრიკოსიც და ზოგადად, ყველა სპეციალისტი, რაც კომუნალურ საქმეს ეხებოდა. ამასთან, მას ხელი მიუწვდებოდა დეფიციტურ ხელსაბანებზე, უნიტაზებზე და მთელი ქალაქი ცდილობდა, მასთან ძალიან კარგი ურთიერთობა ჰქონოდა, ამიტომ როცა მკვლელად და ძებნილად გამოაცხადეს, რამდენიმე ადამიანმა თავში ხელი შემოირტყა. ყველამ იცოდა მიტროფანენკოს უცნაური ჩვევა – ბანაობა არ უყვარდა და იმის მიუხედავად, რომ ცოლი და ორი შვილი ჰყავდა, აბანოში წელიწადში ერთხელ თუ შედიოდა. სიმყრალის სუნს მისი თანამშრომლები მიეჩვივნენ და სხვებს კიდევ ფიქრადაც არ მოუვიდათ, რომ მკვლეელი შეიძლება, სწორედ ის ყოფილიყო, ამიტომ მისი სუნიც არავის გახსენებია. მიტროფანენკოზე საკავშირო ძებნა გამოცხადდა.

„ჩვენ სამსახურებში დავბრუნდით. ზუსტად ვიცოდით, რომ იმ უბედურს აუცილებლად დაიჭერდნენ და ასეც მოხდა – ერთ-ერთმა სამართალდამცავმა საბუთების შემონმების მიზნით, საეჭვო მამაკაცი გააჩერა და როცა პასპორტში მიტროფანენკოს გვარი ამოიკითხა, ბორკილებიც დაადო. მან ყველა დანაშაული აღიარა, მათ შორის, ბრეჟნევის თანაშემწის დის მკვლელობაც, მაგრამ...“ – უკმაყოფილოდ თავს იქნევს ბატონი თენგიზი.

მიტროფანენკო არ დახვრეტეს. დახვრეტილ ადამიანთა სია აუცილებლად ხვდებოდა ბრეჟნევიან, ამიტომ უდიდესი იყო შანსი, რომ დასახვრეტთა სიაში მყოფი მანიაკით, თუნდაც მისი თანაშემწე დაინტერესებულიყო და მაშინ გაირკვეოდა, რომ ბრეჟნევი, უბრალოდ, მოატყუეს. ეს იყო ერთადერთი მიზეზი, რომ მიტროფანენკოს სასამართლომ, დახვრეტის ნაცვლად, 15 წლით თავისუფლების აღკვეთა მიუსაჯა.

1985 წელს, თბილისში რიგითი დანაშაული მოხდა. რიგითი იმის გამო, რომ ასეთი შემთხვევები არ იყო იშვიათი და სამართალდამცავებსაც დიდი ყურადღება არ მიუქცევიათ, თუმცა შემდეგ ყველაფერი თავდაყირა დადგა და საქმეში ლამის მთელი საბჭოთა მილიციის უმაღლესი ეშელონები ჩაერთვნენ. ყველაფერი კი ძალიან მარტივად და ბანალურად დაიწყო.

თბილისის ხორცკომბინატის დირექტორის ნახვის სურვილი ორმა სოლიდურად ჩაცმულმა მამაკაცმა გამოთქვა. ხორცკომბინატის დირექტორი მაშინ უბრალო ფიგურა არ იყო და ყველას არ ხვდებოდა, მაგრამ მდივანმა უთხრა, აშკარად რუსები არიან, მოსკოვი ახსენესო და დირექტორმაც ორივე მიიღო.

„თუ მეხსიერება არ მალატობს, მაშინ ხორცკომბინატის დირექტორი გვარად ან შარიქაძე იყო, ან ქარქაშაძე. ახალგაზრდა, უცოლო კაცი. ჰოდა, მიიღო კაბინეტში ორი დევივით სტუმარი და როცა მდივანმა კარი მიიხურა, ერთ-ერთმა იარალი ამოიღო, დირექტორს მიუშვირა და ჩუმად გამოსცრა – ფული“, – გვიყვება რეზონანსულ ისტორიას პოლიციის გადამდგარი პოლკოვნიკი, ბატონი თენგიზი.

ხორცკომბინატის დირექტორს ერთ-ერთმა განუმარტა, როგორც ვინდა, 60 ათასი მანეთი მოაგროვე და ჯიბეში ჩაგვიდე, თორემ მარტოხელა დედა მოკვდებაო. მეორე ოთახიდან მალე გავიდა, აქაოდა, დედაშენს ვენწვევი სტუმრად და თუ ფულს არ მისცემ მეგობარს, დედა თავმოჭრილი დაგხვდებაო. დირექტორი ადგილზე გაშეშდა. თავდამსხმელებს აუხსნა, რომ ამდენი ფული „ქეშად“ ადგილზე არ იყო, თუმცა როცა ერთმა კარი გაიხურა და მისივე თქმით, დირექტორის დედასთან წავიდა, საწარმოს ხელმძღვანელმა მდივანს დაუძახა და ფინანსური განყოფილების უფროსის დაძახება უბრძანა. განყოფილების უფროსი მალე მივიდა და ხორცკომბინატის დირექტორმაც უთხრა, საწარმოში „ქეშად“ რა თანხაც არის, მომიტანეო. ეს ბრძანება იმდენად უცხო და მოულოდნელი იყო, განყოფილების უფროსი ჩაფიქრდა, შემდეგ კაბინეტიდან უხმოდ გავიდა და მილიციაში დარეკა.

„იმას, რომ დირექტორის ოთახში შესაძლოა შეიარაღებული პირი ყოფილიყო, მთელი განყოფილება მიხვდა, ამიტომ წავედით ყველა, ვინც კი ადგილზე იყო და 15 წუთში, ხორცკომბინატის შენობა ალყაში მოექცა. ჭოგრებით ვაკვირდებოდით, რა ხდებოდა დირექტორის კაბინეტში და როცა მისი სტუმრის ხელში იარალი დავინახეთ, ყველაფერს მივხვდით. საჭირო იყო, გამომძაღველი ისე აგვეყვანა, რომ გასროლა ვერ მოესწრო, მაგრამ როგორ? – კაბინეტში უცხო კაცის შესვლისთანავე, სროლას ატეხდა“, – იხსენებს ბატონი თენგიზი.

მილიციამ იმპროვიზაციას მიმართა. ერთ-ერთ განყოფილებაში, კრივი საბჭოთა კავშირის პრიზიორი და საქართველოს მრავალგზის ჩემპიონიც იყო. სწორედ მას ჩააცვეს თეთრი ხალათი და შესაბამისი ინსტრუქტაჟიც ჩაუტარეს. ის დირექტორის კაბინეტში დაუკაკუნებლად შევიდა, მაგიდაზე ქალაღში გახვეული ხორცის ნაჭერი დადო და ბოლო ხმაზე იყვირა – თქვენს მიერ მონოდებული გაფუჭებული ხორცის გამო, მყიდველები მე რატომ უნდა მლანძღავდნენო? ყველაფერი ეს იმდენად მოულოდნელად მოხდა, რომ თავდამსხმელმაც კი ვერაფერი გაიგო. უფრო მეტიც, ის ხორცის მხარეს დაიხარა და დასუნა. სწორედ ამ დროს, ყბაში მოკრივის მუშტი მოხვდა, მაგრამ ფიზიკურად იმდენად ძლიერი იყო, არ გაითიშა და მაშინვე მოტრიალდა, თუმცა მოკრივემ მეორე და მესამეც მიაყოლა და თავდამსხმელი ღრმა ნოკაუტში გაუშვა. ხორცკომბინატის დირექტორმა მაშინვე იყვირა – დედა, დედას მომიკლავენო და სამართალდამცავები დედამისის სახლისკენ წავიდნენ, თუმცა მოხუცის გარდა, იქ არავინ დახვდათ ანუ მეორე თავდამსხმელი, რეალურად, მისი სახლისკენ არ წასულა. გამოცხადდა

სამხედრო ოფიცერმა სამართალდამცავი მოკლა



მძევლად აყვანილი ხორცის საწარმოს დირექტორი და ჩაფლავებული ყაჩაღობა

ძებნა ადამიანზე, რომელიც მდივანმაც აღწერა და დირექტორმაც – ის, მალე, აბანოთუბანში დააკავეს. რეალურად, ვერც ვერაფერი იცნო, მაგრამ ორი მილიციელი დაინახა და გაიქცა. გაქცეულს დაედევნენ და ხელები გადაუგრიხეს, მერე კი გაირკვა, რომ ეს სწორედ მეორე თავდამსხმელი იყო. ქართული მილიცია გამარჯვებას ზეიმობდა, თან როგორ გამარჯვებას – დაკავებულებიდან ორივე სამხედრო იყო, ერთი კაპიტანი, მეორე – ლეიტენანტი. ორივე მოსკოვში მდგარ სამშენებლო ნაწილში მსახურობდა და ორივე მოქმედი ოფიცერი გახლდათ. როგორც წესი, დაკავებულებზე ინფორმაცია ყველა რესპუბლიკაში გაგზავნეს, აქ კი უმკაცრესი დაკითხვა მოაწყვეს.

„დაპატიმრებულები – ვლადიმირ კივა და ვალენტინ ხადაკოვსკი იყვნენ. დარწმუნებული ვარ, რომ მათ რუსული მხარე წაგვართმევდა, ამიტომ გვსურდა, სანამ მოსკოვიდან ჩამოვიდოდნენ გამომძიებლები, მაქსიმალური ინფორმაცია მიგველო. ცოდვა გამხვლილი სჯობს, ცოტა წამოვარტყით და ხადაკოვსკიმ ბოლო ხმაზე იყვირა, მე არ მომიკლავს, კივამ მოკლაო. სწორედ ამ დროიდან ჩავერთვე მე, რადგან მკვლელობა ჩემი პროფილი იყო“, – იხსენებს ბატონი თენგიზი.

როგორც გაირკვა, 1984 წელს, მოსკოვში, მოძმე სახელმწიფოს – ჩრდილოეთ კორეის ლიდერის, კიმ ირ სენის ვიზიტის დროს, მილიციის თანამშრომელი მოკლეს. მას თავში 16-ჯერ ჩაარტყეს რკინის ნაჭერი და ტაბელური იარაღი გასტაცეს. ეს იარაღი თბილისის სამმართველოში იდო. ყველაზე საინტერესო კი ის გახლდათ, რომ მონმეთა ჩვენებების მიხედვით, მოსკოვის მილიციას დაკავებული ჰყავდა „გაი“-ს თანამშრომელი, რომელსაც მკვლელობა „შესტენეს“ და ათწლიან სასჯელს იხდიდა. დახვრეტი კი მხოლოდ იმის გამო არ დახვრიტეს, რომ მტკიცებულებები არცთუ მყარი იყო, თან სამართალდამცავის მკვლელობისთვის მისი კოლეგის დახვრეტა საერთაშორისო ასპარეზზე უდიდეს აჟიოტაჟს გამოიწვევდა. საინტერესოა, რომ გასამართლებულის ორი კოლეგა სასამართლოზეც კი ბოლო ხმაზე გააკვირდა, ეს მკვლეელი არ არის, მაგ დროს

ერთად ვთვებოდათ ქალაქის გარეუბანშიო და ცრუ ჩვენების მიცემისთვის, მათაც 3-3 წელი ჩამოურიგეს. მეგობრებმა ჩვენება მაინც არ შეცვალეს, ბოლომდე თავისაზე იდგნენ და... სასჯელს იხდიდნენ.

თბილისიდან მოსკოვში მიღებულმა ცნობამ ყველაფერი თავდაყირა დააყენა. კივა დეტალურად ჰყვებოდა, როდის და როგორ მოკლა მილიციის თანამშრომელი, მოტივად კი მისი ტაბელური იარაღის ხელში ჩაგდება დაასახელა. მანვე გახსნა ორი საქმე, როცა ანალოგიური სქემით, ორი ქალაქის საწარმოს ხელმძღვანელები გაძარცვა. ერთს 1500 მანეთი წაართვა, მეორეს – 1200. მეტი მათ, უბრალოდ, არ ჰქონდათ. მოსკოვმა დაადასტურა, რომ ორივე საქმე მართლაც გაუხსნელი იყო.

მოსკოვიდან გამომძიებლები ჩამოვიდნენ, ოღონდ ერთადერთი მიზნით – რადგან დამნაშავეები საქართველოში დაიჭირეს, ორივე ქართულ სასამართლოს უნდა გაესამართლებინა. მათი ჩანაფიქრი გასაგები იყო, არ სურდათ, ისედაც ჩაფლავებული საქმე კიდევ უფრო გახმაურებულიყო და ამიტომ, სასამართლოს ჩატარება თბილისში ამჯობინეს. რა თქმა უნდა, გამოუშვეს მილიციის სამი დაკავებული თანამშრომელი, თუმცა ბოდიშიც არ მოუხდიათ და რაც მთავარია, ისინი სამსახურში არ აღადგინეს, რადგან... სასამართლოები იყვნენ და ვერ მოახერხეს გამოძიების დარწმუნება საკუთარ სიმართლეში, რითაც ხელი შეუწყვეს უდანაშაულო ადამიანების ანუ საკუთარი თავის დასჯას.

რათა თქმა უნდა, სასამართლოც მოსკოვის კარნახით წარიმართა. მილიციელის მკვლელობისთვის ვლადიმირ კივას დახვრეტა მიუსაჯეს, ხოლო ვალენტინ ხადაკოვსკი მხოლოდ ბოლო, თბილისის საქმეში ფიგურირებდა და ამიტომ, ძარცვის ბრალდებით, 4 წელი აკმარეს.

იმასაც ამბობდნენ, ხადაკოვსკის ზემოთ მფარველები გამოუჩინდნენ და იოლად ამიტომ გადარჩაო. ამ ვერსიას ისიც ადასტურებდა, რომ ხადაკოვსკიმ მისჯილი 4 წლიდან საქართველოში, მხოლოდ ერთი მოიხადა, შემდეგ რუსეთში გადაიყვანეს სასჯელის მოსახდელად და კარგი ყოფაცხვის გამო, 6 თვეში, თავისუფლებაზე გაუშვეს. კივა კი... თბილისში დახვრიტეს.

შინაგან საქმეთა სამინისტრომ განზრახ მკვლელობის მცდელობისთვის ძებნილი პირი დააკავა



შინაგან საქმეთა სამინისტროს თბილისის პოლიციის დეპარტამენტის ძველი თბილისის მთავარი სამმართველოს თანამშრომლებმა, განზრახ მკვლელობის მცდელობის ბრალდებით ძებნილი, 1994 წელს დაბადებული, წარსულში ნასამართლევია ბ.დ. დააკავეს.

გამოძიებით დადგინდა, რომ აღნიშნულმა პირმა, მიმდინარე წლის 29 მაისს, თბილისში, უზნაძის ქუჩაზე, „აფხაზეთის განათლების ცენტრის“ მიმდებარე ტერიტორიაზე, ცივი იარაღის გამოყენებით, სხეულზე ჭრილობები მიაყენა 1999 წელს დაბადებულ ლ.ს.-ს და შემთხვევის ადგილიდან მიიმალა.

სამართალდამცველებმა, ჩატარებული ოპერატიული და საგამოძიებო მოქმედებების შედეგად, ბრალდებული პირის იდენტიფიცირება მალევე მოახდინეს, მიმდინარე წლის 31 მაისს, ბ.დ.-ს ბრალი დაუსწრებლად წარუდგინეს. 2 ივნისს კი, მოსამართლის განჩინებისა და პროკურორის დადგენილების საფუძველზე, ბ.დ. ძებნილად გამოცხადდა.

სამართალდამცველებმა ბრალდებული, ოპერატიული-სამძებრო და საგამოძიებო ღონისძიებების შემდეგ, თბილისში დააკავეს.

გამოძიება საქართველოს სსკ-ის 19-108-ე მუხლით გრძელდება, რაც განზრახ მკვლელობის მცდელობას გულისხმობს და 7-დან 15 წლამდე ვადით თავისუფლების აღკვეთას ითვალისწინებს.

დაკავებული ბ.დ. პენიტენციურ დაწესებულებაშია მოთავსებული.

პოლიცია თბილისში ინტერნეტით ნარკოტიკების გასაღების ფაქტი აღკვეთა – დააკავეს პირი, ამოღებულია ნარკოტიკი „ალფა პვპ“

შინაგან საქმეთა სამინისტროს თბილისის პოლიციის დეპარტამენტის გლდანი-ნაძალადევის მთავარი სამმართველოს თანამშრომლებმა, ჩატარებული ოპერატიული-სამძებრო და საგამოძიებო მოქმედებების შედეგად, უცხო ქვეყნის მოქალაქე, 1988 წელს დაბადებული რ.ვ. ნარკოტიკული დანაშაულისთვის დააკავეს.

გამოძიებით დადგინდა, რომ ბრალდებული ჩართული იყო ინტერნეტით ნარკოტიკების რეალიზაციის სქემაში. კერძოდ, მან უკანონოდ შექმნილი ნარკოტიკული საშუალება „ალფა პვპ“-ის შემცველი ნარკოტიკი, შემდგომი გასაღების მიზნით, ნაძალადევის რაიონში, სხვადასხვა ადგილზე განათავსა და მათი ადგილმდებარეობის ფოტოგადაღება განახორციელა.

სამართალდამცველებმა თბილისში, ბრალდებულის პირადი და დროებითი საცხოვრებელი სახლის ჩხრეკის შედეგად, ასევე, საგამოძიებო ექსპერიმენტისას, რ.ვ.-ის მიერ სარეალიზაციოდ გამზადებული, „ალფა პვპ“-ს შემცველი, ნახევარ კილოზე მეტი ნარკოტიკული ნივთიერება ნივთმტკიცებად ამოიღეს.

გამოძიება საქართველოს სისხლის სამართლის კოდექსის 260-ე მუხლით მიმდინარეობს.

შინაგან საქმეთა სამინისტროს თანამშრომლებს არჩევნების უსაფრთხო, თავისუფალ, სამართლიან და მშვიდ გარემოში ჩატარების უზრუნველსაყოფად ტრენინგი ჩაუტარდა

შინაგან საქმეთა სამინისტროს აკადემიისა და ცე-სკო-ს სწავლების ცენტრის თანამშრომლობით, 2021 წლის ადგილობრივი თვითმმართველობის არჩევნებთან დაკავშირებით, საქართველოს შინაგან საქმეთა სამინისტროს სტრუქტურული ერთეულების ხელმძღვანელი პირებისთვის ჩატარდა ონლაინ-ტრენინგი – „არჩევნები და უსაფრთხოება“.

ონლაინ-კურსი შინაგან საქმეთა სამინისტროს აკადემიის ელექტრონული სწავლების პლატფორმის მეშვეობით, ორი დღე გრძელდებოდა და მასში სამინისტროს 879 თანამშრომელი მონაწილეობდა.

ტრენინგს, რომლის მიზანი იყო საარჩევნო თემატიკაზე სამართალდამცველების ცოდნის გაღრმავება და ცნობიერების ამაღლება, სსიპ „საარჩევნო სისტემების განვითარების, რეფორმებისა და სწავლების ცენტრის“ წარმომადგენლები უძღვებოდნენ.

სწავლების მონაწილეები, წინასაარჩევნო პერიოდში და კენჭისყრის დღეს, საარჩევნო პროცესის უსაფრთხოების უზრუნველსაყოფად, რისკების იდენტიფიცირების, პრევენციული ღონისძიებებისა და დარღვევებზე რეაგირების მექანიზმების შესახებ საკანონმდებლო რეგულაციებს გაეცნენ. ტრენინგში მონაწილე პოლიციელები ასევე გაეცნენ შინაგან საქმეთა მინისტრის ბრძანებას და აღნიშნულ ბრძანებაზე თანდართულ ინსტრუქციებს, რომელთა თანახმადაც, საქართველოს რეგიონებში, პოლიციის დეპარტამენტების სამოქმედო ტერიტორიებზე შეიქმნება სამართალდარღვევების პრევენციისა და მათზე რეაგირებისთვის პასუხისმგებელი ჯგუფები. ამასთან, განსაზღვრულია პოლიციელის მიერ პოლიტიკური ნეიტრალობის პრინციპის მკაცრად დაცვის ვალდებულება.



პოლიცია თბილისში, ვერაზე მომხდარი განზრახ მკვლელობის ფაქტი გახსნა

შინაგან საქმეთა სამინისტროს თბილისის პოლიციის დეპარტამენტის თანამშრომლებმა, ინტენსიური ოპერატიული-სამძებრო და საგამოძიებო ღონისძიებების შედეგად, 2021 წლის 15 სექტემბერს, თბილისში, ანჯაფარიძის ქუჩაზე მომხდარი განზრახ მკვლელობის ფაქტი გახსნეს.

საქმეზე ჩატარებული გამოძიებით დადგინდა, რომ 2000 წელს დაბადებული ა.ჭ. და 1999 წელს დაბადებული გ.კ., 1999 წელს დაბადებული ნ.კ.-ს მკვლელობის განზრახვით, წინასწარ შემუშავებული გეგმის მიხედვით მოქმედებდნენ. კერძოდ, მიმდინარე წლის 15 სექტემბერს, აღნიშნული პირები ნაქირავები ავტომანქანით თბილისში, ვერიკო ანჯაფარიძის ქუჩაზე მივიდნენ და ნ.კ.-ს ჩაუსაფრდნენ.

საქმეზე მოპოვებული მტკიცებულებებით, ასევე დადგინდა, რომ ა.ჭ.-მ, ნ.კ.-ს მიმართ, ცეცხლსასროლი იარაღიდან 10-ზე მეტი გასროლა განახორციელა და შემთხვევის ადგილიდან გ.კ.-სთან ერთად, ნაქირავები ავტომანქანით მიიმალა.



სხეულზე მიყენებული დაზიანებებით ნ.კ. საავადმყოფოში მიყვანის შემდეგ გარდაიცვალა.

გამოძიება საქართველოს სისხლის სამართლის კოდექსის 108-ე მუხლით და 236-ე მუხლის მე-3 და მე-4 ნაწილებით მიმდინარეობს.

ა.ჭ.-სა და გ.კ.-ს ადგილსამყოფელის დადგენისა და მათი დაკავების მიზნით ტარდება კომპლექსური ოპერატიული-სამძებრო და საგამოძიებო მოქმედებები.

პოლიცია აჭარაში, ნარკოდანაშაულისთვის ხუთი პირი დააკავა, მათ შორის, ნარკორეალიზატორი, ამოღებულია განსაკუთრებით დიდი ოდენობით სხვადასხვა სახის ნარკოტიკი

შინაგან საქმეთა სამინისტროს აჭარის პოლიციის დეპარტამენტის თანამშრომლებმა, ბოლო პერიოდში ჩატარებული ოპერატიული-სამძებრო და საგამოძიებო ღონისძიებების შედეგად, ნარკოდანაშაულისთვის ხუთი პირი დააკავეს, მათ შორის, ერთ-ერთი ნარკორეალიზატორია.

სამართალდამცველების მიერ, ქობულეთსა და ბათუმში ჩატარებული ღონისძიებების შედეგად, დაკავებულები არიან უცხო ქვეყნების მოქალაქეები: 1974 წელს დაბადებული თ.დ., 1993 წელს დაბადებული ბ.ა., 1989 წელს დაბადებული ვ.კ., ამავე წელს დაბადებული ო.პ. და საქართველოს მოქალაქე, 1999 წელს დაბადებული ა.გ. სამართალდამცველებმა ბ.ა., ბათუმში, განსაკუთრებით დიდი ოდენობით ნარკოტიკული საშუალების უკანონო შექმნა-შენახვისა და გასაღების ბრალდებით დააკავეს. გამოძიებით დადგინდა, რომ იგი ნარკოტიკული საშუალებების უკანონო რეალიზაციას ახდენდა. ბ.ა.-ს პირადი ჩხრეკისას, ნივთმტკიცების სახით ამოღებულია მის მიერ ნარკორეალიზაციის შედეგად მიღებული ფული – 8000 ლარზე მეტი და 44 აბი „სუბოქსინი“.

პოლიციამ ბრალდებული თ.დ. ქობულეთის მუნიციპალიტეტში დააკავა. მისი პირადი ჩხრეკისას ნივთმტკიცებად ამოღებულია სამ შეკვრად დაფასოებული, „მეტამფეტამინის“ შემცველი ნარკოტიკი. დაკავებულს ბრალი განსაკუთრებით დიდი ოდენობით ნარკოტიკული საშუალების უკანონო შექმნა-შენახვაში ედება.

რაც შეეხება წარსულში ნასამართლევ ა.გ.-ს, იგი პოლიციამ ნარკოტიკული საშუალების უკანონო შექმნა-შენახვის ბრალდებით ბათუმში დააკავა. მისი პირადი ჩხრეკისას, ნივთმტკიცებად ამოღებულია 10 შეკვრად დაფასოებული, ნარკოტიკული საშუალება „ალფა პვპ“-ს შემცველი ნივთიერება.

სამართალდამცველებმა ნარკოდანაშაულისთვის, ბათუმში დააკავეს ვ.კ. და ო.პ., რომელთა პირადი და დროებითი საცხოვრებელი ბინის ჩხრეკის შედეგად, ნივთმტკიცებად ამოღებულია 247 შეკვრა ნარკოტიკული საშუალება, მათ შორის, „ალფა-პვპ“.

გამოძიებით დადგინდა, რომ ვ.კ. და ო.პ., ნარკოტიკულ საშუალებებს შემდგომი რეალიზაციის მიზნით, სხვადასხვა ადგილზე, სპეციალურად შერჩეულ სამალავებში ათავსებდნენ.

დანაშაულები 20 წლამდე ვადით ან უვადო თავისუფლების აღკვეთას ითვალისწინებს.

ნარკოტიკული საშუალებების უკანონო შექმნა-შენახვისა და გასაღების ფაქტებზე გამოძიება საქართველოს სისხლის სამართლის კოდექსის 260-ე მუხლით მიმდინარეობს.

ნონა გაფრინდაშვილის სარჩელში მთავარი დამნაშავე, შესაძლოა, ბარი კასპაროვი აღმოჩნდეს

Netflix-მა ფილმის – „ლაზიერის გამბიტი“ გადაღება ისე დაასრულა, წარმოდგენა არ ჰქონდა, რომ საერთაშორისო სკანდალში გაეხვეოდა. სერიალი 2020 წელს გამოვიდა და დღემდე პოპულარულია. ერთ-ერთი მთავარი გმირი ქართველი და მსოფლიო ლეგენდის, ნონა გაფრინდაშვილის პროტოტიპია. სწორედ მის ისტორიასთან აქვს პრეტენზია ლეგენდარულ მოჭადრაკეს.

ფილმში მოვლენები 1950-იან წლებში ვითარდება. ნიჭიერი ამერიკელი გოგონა ჭადრაკის დიდოსტატებს ერთმანეთის მიყოლებით ამარცხებს. ბოლო სერიაში კი ის ჩადის საბჭოთა კავშირში და ეთამაშება მთავარ მეტოქეს, მსოფლიოს მრავალგზის ჩემპიონ ბორგოვს, რომელსაც რეალურ ცხოვრებაში ერთი, კონკრეტული პროტოტიპი არ ჰყავს. პარტიის დასაწყისში, კადრში გაიღვებ ნონა გაფრინდაშვილის პერსონაჟი. ის დარბაზში სხვა მაცურებლებს შორის ზის, ჭადრაკის კომენტატორი კი ამბობს:

„ერთადერთი, რაც უჩვეულოა, მისი სქესია, მაგრამ რუსეთში არც ეს არის უნიკალური, აქ არის ნონა გაფრინდაშვილი, თუმცა ის ქალთა შორის არის მსოფლიო ჩემპიონი და მამაკაცს არასდროს დაპირისპირებია“.

სწორედ ამან გააღიზიანა ქართველი დიდოსტატი. „იქ გამოგონილი ფიგურაა ცენტრში და მერე უცებ ნამდვილი ადამიანი შემოჰყავთ, ჩემი სახით. ეს შეცდომაა არ იყო. მწერალი, ვისაც ეს წიგნი აქვს დაწერილი და რომლის მიხედვითაც ფილმი გადაიღეს, ყველაფერს სწორად წერს. წერს, რომ მამაკაცებს ვეთამაშებოდი. მართლა ადრეული ასაკიდან ვეთამაშობდი მათთან, სანამ პირველ საერთაშორისო ტურნირში გავიდოდი, მანამდეც. პირველმა მივიღე მამაკაცთა შორის დიდოსტატის წოდება. ისეთი შესანიშნავი პარტიები მაქვს მოგებული დიდოსტატებისთვის! ამ დროს, სერიალში ამბობენ, რომ მამაკაცებთან არ მითამაშია“, – ეს სიტყვები გაფრინდაშვილმა რადიო „თავისუფლებას“ უთხრა.

სარჩელში გარკვევით წერია, რომ Netflix-მა განზრახ იცრუა გაფრინდაშვილის მიღწევების შესახებ, იაფფასიანი და ცინიკური მიზნით, რათა ხაზი გაესვა დრამისთვის, რომ თითქოს გამოგონილმა გმირმა მიაღწია იმას, რაც არცერთ ქალს არ მიუღწევია მანამდე, გაფრინდაშვილის ჩათვლით.

ახლა კი მთავარი. ძალიან დიდია იმის შანსი, რომ ამ ყველაფერში დამნაშავე მსოფლიოს ყველა დროის საუკეთესო მოჭადრაკედ აღიარებული, გარი კასპაროვი აღმოჩნდეს. საქმე ის გახლავთ, რომ როცა მსგავსი შინაარსის ფილმებსა თუ სერიალებს იღებენ, Netflix-ის მსგავსი დიდი ტელესტუდიები კონსულტანტებად იმ სფეროდან, რომლის გარშემოც სიუჟეტის გადაღებას აპირებენ, საუკეთესოებს არჩევენ. ასე მოხდა ამჯერადაც და მათი მთავარი კონსულტანტი, სწორედ კასპაროვი იყო. ჰოდა, ახლა ქალბატონი ნონა არა მარტო მორალური ზიანის ანაზღაურებას ითხოვს და საერთაშორისო კომპანიას 5 მილიონ დოლარს ედავება, არამედ, შეცდომის გასწორებასა და სიმართლის თქმასაც ელოდება.

„Netflix-ი უდიდეს პატივს სცემს ქალბატონ ნონა გაფრინდაშვილს და მის ბრწყინ-



ვალე კარიერას, მაგრამ ჩვენ გვჯერა, რომ ამ ბრალდებებს არანაირი საფუძველი არ აქვს და სასამართლოში თავს მტკიცედ დავიცავთ“, – ეს უკვე ტელეკომპანიის პრეს-სპიკერის განცხადებაა და დაველოდოთ, როგორ განვითარდება მოვლენები.

იყო თუ არა მამარდაშვილის შეცდომა საბედისწერო



20 სექტემბერს, ესპანური „ვალენსია“ მადრიდის „რეალს“ მასპინძლობდა. მთავარი კითხვა, რაც ქართველ გულშემატკივარს ანუხებდა, ის გახლდათ, დააყენებდა თუ არა მასპინძელთა თავკაცი, მსოფლიოს საუკეთესო გუნდის წინააღმდეგ კარში, 20 წლის გიორგი მამარდაშვილს? ძირითად შემადგენლობაში ახალგაზრდა მეკარის ხილვამ ყველა გაგვახარა და ეს სიხარული 86-ე წუთამდე გაგრძელდა. ვალენსიელები მატჩს იგებდნენ, შემდეგ ერთი გოლი გაუშვეს, მატჩის მიწურულს კი მეორე და ეს მეორე ბურთი ქართველი მეკარის შეცდომას მოჰყვა. შედეგად, „ვალენსიამ“ გამარჯვება და 3 ქულა ხელიდან გაუშვა.

22 სექტემბერს, „ვალენსიას“ არანაკლებ მნიშვნელოვანი შეხვედრა ელის. გუნდი სტუმრად „სევილიას“ ეთამაშება და თუ კარში მამარდაშვილი აღარ ჩადგება და მის ადგილს ჰოლანდიელი სილესენი დაიკავებს, ჩვენებურს ძირითადში დაბრუნება ძალიან გაუჭირდება. რაც არ უნდა იყოს, წლებია, სილესენი პრიმერაში თამაშობს და თან ჰოლანდიის ნაკრების მეკარეა. იყო თუ არა მამარდაშვილის შეცდომა საბედისწერო, სწორედ 22-ში გავიგებთ.

მესი უტოპია – ის შეცვალეს

საფრანგეთის ჩემპიონატის მორიგ ტურში, „პარი სენ ჟერმენი“ მთავარ მეტოქეს, „ლიონს“ მასპინძლობდა და 0:1-ს აგებდა კიდეც, თუმცა საბოლოო ჯამში, მსაჯის მიერ დამატებულ წუთებზე მოუგო, მაგრამ მთავარი ეს ნამდვილად არ ყოფილა. მთავარი ის გახლდათ, რაც მატჩის 76-ე წუთზე მოხდა – მთავარმა მწვრთნელმა, მაურიციო პოჩეტინომ მოედნიდან ლიონელ მესი გაიყვანა და მის ნაცვლად, მინდორზე, ჰაკიმი შეუსვა. არგენტინელი ვარსკვლავის გაოგნებული სახე ფოტორეპორტიორებმაც აღბეჭდეს და მესის ვინ ჩივის, მთელი გუნდი და გულშემატკივრები პირდაპირი რეაქციები იყურებოდნენ. მოედნიდან გასვლისას, ლეომ მწვრთნელს ხელი არ ჩამოართვა.



ბოლოს როდის იყო, ჯანმრთელი მესი მოედნიდან გაეყვანათ, ვერავინ გაიხსენა, პოჩეტინომ კი გაბედა და ეს გააკეთა. არ გამორიცხოთ, ამ ამბავს გაგრძელება მოჰყვება. ყოველ შემთხვევაში, მესიმ ოფიციალური ახსნა-განმარტება მოითხოვა, რა არ მოეწონა მწვრთნელს და ამ განმარტებას თუ ვერ მიიღებს, მაშინ ბოდიშს ითხოვს. ისე, შეგახსენებთ, რომ „პარსელონაში“ თამაშის დროს, არაერთი ფეხბურთელი ამბობდა, მწვრთნელი იმას აკეთებს, რასაც მესი იტყვისო და როგორც ჩანს, ფრანგულ კლუბში ასე აღარ იქნება.

ბორბოძემ გადიგად მეთრე ტურნირი მოიგო



ქართველმა ჩოგბურთელმა, ეკატერინე გორგოძემ წყვილთა თანრიგში ზედიზედ მეორე ტურნირი მოიგო. ერთი კვირის წინ, 29 წლის ქართველმა, გერმანიის ქალაქ კარლსრუეში, 115-ათასიან შეჯიბრზე, რუმინელ ირინა ბარასთან ერთად იმარჯვა, ამჯერად კი, წარმატებას ვალენსიაში მიაღწია. ესპანეთში გამართული ტურნირის საპრიზო ფონდი 80 ათასი დოლარი იყო, გორგოძე ბელგიელ ისალინ ბონავენტურესთან ერთად თამაშობდა და ჩემპიონობისთვის ოთხი გამარჯვება ეყო. შეგახსენებთ, რომ 932 ქულით, გორგოძეს მსოფლიო წყვილთა რეიტინგში 114-ე ადგილი უკავია, ამ წარმატების შემდეგ კი, კლასიფიკაციაში კიდევ უფრო დანინაურდება.

მატერაცემ ახსნა, რა უთხრა გიდანს

ალბათ, არ არსებობს ფეხბურთის გულშემატკივარი, რომელსაც მსოფლიოს 2006 წლის ჩემპიონატის ფინალში მომხდარი ინციდენტი არ ახსოვს. საფრანგეთის ნაკრების კაპიტანმა, ზინედინ ზიდანმა იტალიელთა მცველს, მარკო მატერაცის მკერდში თავი ისე ჩაართვა, ეს უკანასკნელი მოედანზე კარგა ხანს ეგდო. ზიდანი გააძევეს და საბოლოოდ, სწორედ ლიდერის არყოფნის გამო წააგეს ფრანგებმა მუნდიალის ფინალი. ძალიან, ძალიან ბევრი ითქვა და დაინერა, რა უთხრა მარკომ ისეთი ზიზუს, რომ მან ფინალშიც კი, ნერვები ვერ მოთოკა. ამის შესახებ ვეტერანმა მცველმა იტალიურ მედიასთან საუბრა და რაც მთავარია, წყენა არ დამალა.



„იმ მატჩში, ზიდანს მაისურზე ხშირად ვქაჩავდი და მან მითხრა, რომ თუ მაისური მინდოდა, მატჩის შემდეგ მისი მიღება შემეძლო. მე კი ვუთხარი, რომ მისი და მერჩივნა. გაგებრადი, როცა ზიდანს მხარი ყველა ფრანგმა და იტალიელმა დაუჭირა. მათ ამ ქცევისთვის განმსაჯეს, როცა მათ იმ მინისთვის უნდა ეკოცნათ, რომელზეც მე დავდიოდი. მუნდიალის ფინალში გავიტანე ყველაზე მნიშვნელოვანი გოლი და მათი ლიდერი თამაშიდან გამოვითიშე, მაგრამ მადლიერების ნაცვლად, მხოლოდ კრიტიკის ნაკადი მივიღე“, – ამბობს მატერაცი და... ყველა თანხმდება, რომ იტალიამ იმ შეხვედრაში, საფრანგეთი სწორედ იმის გამო დაამარცხა, რომ მსაჯმა მოედნიდან ზიდანი გააძევა.



გააჩერეთ ლევანდოვსკი!

2014 წელს, პოლონელი ფორვარდი, რობერტ ლევანდოვსკი „დორტმუნდიდან“ მიუნხენის „ბაიერნში“ გადავიდა. იმის მიუხედავად, რომ რობერტს ცუდი სეზონი არ ჰქონდა, მაინც ვერავინ იფიქრებდა, რომ ის „რეკორდმაისტერის“ ისტორიაში ერთ-ერთი საუკეთესო იქნებოდა და საოცრებებს ჩაიდენდა. თავად განსაჯეთ – 2014 წლიდან დღემდე, 33 წლის ფორვარდმა ყველა ტურნირზე, „ბაიერნის“ რიგებში, 336 მატჩში მიიღო მონაწილეობა, 305 გოლი გაიტანა და 65 საგოლე გადაცემა შეასრულა. ახალი რეკორდი კი პოლონელმა გასულ უქმეებზე დაამყარა. მიუნხენურმა გრანდმა საკუთარ მოედანზე „ბოხუმს“ უმასპინძლა და 7:0 გაანადგურა. შეიდიდან ერთი გოლი ლევანდოვსკიმაც გაიტანა და ახალი რეკორდი დაამყარა. მან ბუნდესლიგაში, საშინაო მატჩებში ზედიზედ მეცამეტე შეხვედრაში გაიტანა, რაც აბსოლუტური რეკორდია. მსგავსი შედეგი არასდროს, არცერთ სხვა ფეხბურთელს არ ჰქონია. ისიც ვთქვათ, რომ მიმდინარე სეზონში, ბუნდესლიგის ეგიდით, ლევანდოვსკიმ 5 მატჩში უკვე 7 გოლი გაიტანა და ბომბარდირთა დავას ერთპიროვნულად ლიდერობს.

ალექსანდრე ჭავჭავაძე

ბიოგრაფია

გოგჩა, ტბა ვრცელი, ხმოვანებით ზღვისა მბაძავი, ოდესმე ზვირთთა აღქაფებით ჰლეღავს მრისხანედ; ზოგჯერ, ვით ბროლი გულ-უბრყვილო, წმინდა, უძრავი, თვის შორის ჰხატავს ცისა ლაჟვარდს და მათა მწვანეთ.

მაგრამ ნაქცევნი მისთა კიდეთ ძაძით მმოსველნი, საგლოვო ნაშთნი შენობათა კვლავ ეროვანთა, სად ჰყვავებულან დიდებულად ქალაქნი ვრცელნი და სად დღეს ვჰხედავთ ოდენ ბუთა და ნატამალთა, – ჭმუნვათა თვისთა მნახველთაცა აზიარებენ უდაბურება, მჩუმარება, არა-რაობა.

თვალსა და გულსა კაცისასა სევდით ავსებენ, და უნებლიეთ წარმოდგება ოხვრით ეს გრძნობა: აჰა, პალატა დიდებულთა ნგრეული ნაშთი. აჰა, ქალაქთა ჩინებულთა ხვედრი უცილო, აჰა, ჩვენისა მომავლისაც ნამდვილი ხატი; მხოლოდ ანწყოზე რას დაბმულხარ, ხედვავ ბრმობილო! ესე კამარა ძლივ საცნობო ყოფილ ტაძარად, სად კვლავ მეფენი მონინებით იდრეკდნენ მუხლთა, სად ღვთის დიდება მორწმუნეთა ესმოდათ მტკბარად, და ცისა მიმართ გრგვინვიდიან ხმანი ფსალმუნთა, – დღეს ეს ნაქცევი, სახიერად მაჩრდილობელი, ჰხედავს თვის ქვეშე დამჩოქველად ოდენ პირუტყვთა, ზოგჯერ ნადირთა, ზოგჯერ მხეცთა, და ხან წარმვლელი

მუნ შეაფარებს საქონელთა, შორით ზიდულთა! ეს გროვა ქვათა სახე შლილის ოთხკუთხედისა ადგილ არს, სადა სავაჭრონი მდიდრად წყობილან; სომეხნი, მხენი ხელოვანნი მომგებლობისა, პირსა ქვეყნისას ამა საქმით ადრივ ცნობილან. მაშინ მათ შორის ხშირ ყოფილა ქურუთა მქონე არა-თუ ვერცხლით, ნდობითაცა ყოვლად მდიდარნი. ან მტვრად აღგვილან იგი ძალი და იგი ღონე; მათთა განთქმულთა შეძლებათა წარშლიან კვალნი! მიხედე ამა ვრცელსა ვაკეს ქვა-ყრილსა ბნელად, კვლავ ასპარეზსა, სად ჰქონიათ ტაიჭთა სრბოლა, ჩოგნით ტაცება ჭაბუკ-მხედართ გამოსაცდელად, შუბთა ტრიალი, ჯირითთ ტყორცნა და ისართ სროლა. ერთგზის ესეცა ქვანი შავნი, დღეს დახავსილნი, ურთიერთთანა კავშირობით ამაღლებულან; მკუთხელები მათნი, ბედნიერნი და კმაყოფილნი, ოდესმე მათში განცხრომილან და განშეგებულან. აქაცა მჯდარა ძალი მაღალს ტახტსა ამაყად, წყალობათა და რისხვის ფრქვევით მმართველი ერთა; აქაც უღრღნიათ შურსა, მტრობას გულელები ხარბად; ტრფიალნი აქაც შემსჭვალვიან კვლავ ერთმანეთთა. რავდენთ ბანოვანთ შევენებანი ახლად მშლილობნი ჭავლის სინმინდეს მიუზიდავს ნაპირს ამ ტბისას; ვარდნი, ზამბახნი და მიხაკნი, და გიშრის მწყობრნი რავდენგზის ტურფად გარდულია სარკესა წყლისას. რავდენგზის მთვარეს, თავ-მომწონეს მათთან შთახედვით, უგრძნვია თვისი ჩაგრულ-ყოფა და მოღრუბლვილა! მაგრამ რა?!. დროსა მსრველის ცელით, ყოვლთა წარწყმედით, ციურთა მჯობი მშვენიებლობაც სხვათებრ მოსთვლილა!

გუთნის დედა

მშვიდობით, ხოდაბუნო, მშვენიერო და კარგო, ამას იქით ვეღარ გხნავ, ასე უნდა დაგკარგო, ცხენი დამზანტებია დრო მრავალ-გამოვლილი, გდია თავ ჩამოგდებით ჩუთის წევით მოღლილი.

კვლავ მასც ჰქონდა ერთი დრო რომ რამდენსმე დღი-ურსა. ერთის შეხებით მოჰხნევედა, არ გაიბერტყდა ყურსა. ახლა გინდ ათი სახრეც კაცმა ზედ დაამტვიროს მგონია ერთი კვალიც რიგზე ვერ გააკვილოს. ნეტავი მას დროს, ცხენო, რომ ყელმოღერებული, კუნტრუმით აბრუნებდი ბელტებს განხურვებული, ახლა ასე მგონია, რაგინდ თავი აწყვიტო, ბანრითაც რომ დაგაბა, ისიც ვეღარ ასწყვიტო. უნინ მწვე არ ვიტყვოდი, ეს მინა მაგარია, ჩემთვის მაშინ სწორ იყო ველი, მთა და ბარია, თუ გონებაზე ვიყავ, მაშინვე შევაბემდი ჩემსა ჩუთს და სიმღერით ყამირსაც ლბილებრ ვხნევი. ზოგი მინა მტკიცეა, ზოგი ხმელი, ქვიანი, ზოგს ხირხატს ეძახიან, ზოგი არის წყლიანი, მაგრამ სულ ტყუილია, ადგილით რა იქმნება, თუ მხენელი თითონ ვარგობს, ყველგან ხლტომით იხვენება.

ვინ დასდევდა ახოსა ეკლიანს, ძეძვიანსა, ყველგან ვხნევი და ვმკიდი ნაყოფს ბარაქიანსა, მაგრამ ახლა სიბერემ მეც გამანყო არჩევას, ატყევებულთ ნახნავთა ვეღარ უბედ გარდვევას. თუ ადგილი არ მომწონს ვჯავრობ, ვშფოთავ, ვლონდები, მაგრამ ლბილთ ხოდაბუნთა კვალად ისევ ვენყობი. და იმათაც ასეთთა, რომ აბრეშუმებრ ბალახს კრძალვით ძლივ გაებედვნოსთ თავის ჩენა იმ ალაგს. ეჰ, ნეტა რალად მინდა რჩევა ალაგებისა, რადგანც ღონე არა მაქვს არც ხენის, არცა თესვისა, ჭაბუკო მეგუთნენო! თქვენც ხართ, ვიყავ მე ვითა. ამისთვის შემობრალეთ ცრემლისა დათხევითა; და თქვენ, ხოდაბუნებო, ჩემს მოხუცებულს ცხენსა, ბალახის მოძოვებით მაინც სცემდეთ ნუგეშსა. თქვენს ხენაზე ხელის ამლე მხოლოდ ჭვრეტით ვიხარებ და თქვენს მწვანეზე სრბოლით გულის წყლულს დავიამებ.

გული წამართვი

გული წამართვი ცნობითურთ, მითხარ, ნაცვალი მომე რა? ვეღარ გავძელი უშენოდ, გაყრისა სევდა მომერა. დამწვი და წყალი არ მომეც – დამწვარსა გულსა მომერა: უვარდოდ ნალკოტისათვის თვალნი რისათვის მომერა?!

დიდმარხვაში

მარხულნო, მანამ ცხონდებით, ნეტა, ქარებით რათ კვდებით! ლობიო ღვინით დაარჩეთ, თორემ აქავე ნაწყმედებით!

ღუბა

- 1 სოფლის მიმდობთა ბოლო აქეთ შხამად, ლხინი, შექცევა თვალისა წამად.
- 2 არა ერთხელ სიჭაბუკე დაუთრთვილავს სიბერესა. არა ერთხელ ბედის დილა შეუცვლია შავ ღამესა.
- 3 გვედრი, თვით მიხვდე, – მიკვირს, ცნობა მეძნელებიან, რასაცა მარად თვალნი ჩემნი გეუბნებიან.
- 4 შენთვის ხელობა თუ ვინ მიზრახოს, რაბამათ შერცხვეს, თუ თვალთ გნახოს.



5
თუ დიდი ლხენა ან ჭმუნვა გვამიზე ზებდეს სიკვდილსა, ვითლა რჩეს სული მოყვისისა, თან მხლესა ანუ შორ-ქმნილსა.

6
სამოთხის შვება რამ მაცნობა, – მითხრაცა ენამ, იმასთან ყოფნამ, მისმან ჭვრეტამ და მისმან სმენამ.

7
კვლავ მარად ჩემსა სურვილსა იმედი წინ უძლოდა, ან სურვა გულსა კვლავბრ სწვამს, მაგრამ ვარ უიმედოდა.

8
ვინ იცის ჩემნი ტანჯვანი ბნელი დღისა თუ ღამისა, ტრფობისა კიდე რა შესწამს? მიზეზიცა ვსთქვა ამისა.

9
ოდენ ხმა შენი მესმოდეს, ოდეს შენს სახეს ვხედიდი, ესე რომ მწყურდეს ამისთვის რას ვგმობდე, ან რას ვცოდვიდი!

10
ვინც გიხილოს, ინატვრიდეს კვლავცა გნახოს, კვლავცა გნახოს. გნახოს ცნობას ისურვიდეს და რა გიცნას შენთვის ახოს.

ედემს რგულსა

ედემს რგულსა საროს მაშორვა ბედმან, აროდეს ნუგეშს მცა მასთან დაზმითა. მიმუხთლა სოფელმან რისხვითა მხედმან, ან ხმეული მშთარ-ვარ სურვილის-სმითა. ლალ-ბროლსა შერევიანა შეთხზულად, იაგუნდს ჰყავნ მარგალიტნი შეცულად. როს განაპის, მჭვრეტს იქმს განლიგებულად, აღავსებს მის ბაგეთ თვისის ქებითა. ეკაზმინ სამოდ წარბნი მოხრილნი, მელნის ტბათ გარემოს არს ზღვანი გრილნი; მათცა გარ მოზლუდვენ ჰინდთ ჯარნი ყრილნი, ჰკოდენ მჭვრეტთა გულსა ისართ პირ ხმითა. ნათელსა ჰსცემს მრჩობლი ბროლის ფიცარსა, ზილფნი აშვენებენ ყელს საფიცარსა; ვეშურვ რაყიფს მისს სიახლეს ვინც არსა. გლახ მოწყლულ მაქვს გული წყვდიადსა ბმითა! ერთი იგი ვნახე ლახვარ ჭურვილი, მიჯნურთ გულთ მოსრვისა აქენდა სურვილი. მეც მხვდა მისგან წყლული, მექმნა ურვილი, ან, ენაო, რა გენამლოს ჭირთ თქმითა!


ართრიტს „ვაქცინით“ შეაბრძოლებიან



ცოტა ხნის წინ, მეცნიერებმა ართროზით დაავადებული ადამიანები დააიმედეს – სპეციალური ვაქცინა შექმნეს, რომელიც ართრიტით დაავადებულებს ამ სენისგან იხსნის. დიდ ბრიტანეთში, ოსტეოართროზით, დაახლოებით, 9 მილიონი ადამიანი იტანჯება, აშშ-ში – 30 მილიონი. დღემდე ამ დაავადების საწინააღმდეგო წამალი არ შეუქმნიათ. რევმატოლოგები ართრიტს 21-ე საუკუნის დასაწყისის ეპიდემიადაც კი მიიჩნევენ.

მკვლევარებმა ოქსფორდის უნივერსიტეტიდან, შეიმუშავეს ვაქცინა, რომელიც ტკივილის წყაროს – ნერვების ზრდის ფაქტორს (NGF) ბლოკავს. ჩატარებულ კვლევებს დამაიმედებელი შედეგები მოჰყვა – ვაქცინა იმუნურ სისტემას ამუშავებს, ის იწყებს ანტისხეულების გამომუშავებას, რომლებიც უტყევენ NGF-ს. პრეპარატი მღრღნელებზე გამოსცადეს და მან მნიშვნელოვნად შეუმსუბუქა ცხოველებს ტკივილი.

ტურისტებს ციხეში ჩაჯდომას სთავაზობენ



დიდ ბრიტანეთში, ტურისტებს ერთი დღით პატიმრობას სთავაზობენ. ტური მსურველებს ციხის ცხოვრების „მიგნიდან“ გაცნობას სთავაზობს და სომერსეტის საგრაფოში მდებარე შეპტონ-მოლეტის ციხეში, გისოსებს მიღმა დარჩენას ურჩევს. ამ უჩვეულო ტურის ღირებულება, მხოლოდ 49 გირვანქა სტერლინგია. მასში შედის კვება – პატიმრისთვის გათვალისწინებული მენიუთი და ღამის გათენება ერთადგილიან კამერაში. შეპტონ-მოლეტი ყველაზე ცნობილი ციხეა ნისლიან ალბიონზე. ადრე, აქ ყველაზე საშიშ დამნაშავეებს ამწყვდევენ. პირველი პატიმრები მან ჯერ კიდევ 1626 წელს მიიღო. 2013 წელს, დაწესებულება დაიხურა და ის ტურისტულ ცენტრად გადაკეთდა.

ჭრილობებისთვის სუპერ-წებო შექმნეს



დაზიანებული სისხლძარღვებისა და გულზე ჭრილობების წამებში „შენება“ შესაძლებელია – დამამკიცეს ამერიკელმა და ჩინელმა სწავლულებმა. მათ განსაკუთრებული, უელესმაგვარი ნაერთი შექმნეს, რომელიც თითქმის მაშინვე აჩერებს სისხლდენას. არც ერთ სხვა მეთოდიკას, რომელსაც დღეს პრაქტიკაში იყენებენ, არ შეუძლია ასე სწრაფად და ეფექტურად შეაჩეროს სისხლი, ჯერ კიდევ მფეთქავ გულში. მკვლევარებმა ცდები ღორებზე ჩაატარეს – მათი გული „დანებეს“. ორი კვირის შემდეგ კი გახსნეს და გელის ვერავითარი „გაჟონვა“ ან რაიმე, სერიოზული ანთების კვალი ვერ აღმოაჩინეს. ქირურგიული დაფებით ჭრილობის გაკერვა დიდ დროს მოითხოვს, სუპერწებო კი მეტად მოხერხებული და საიმედო საშუალებაა ჭრილობის ნაპირების შესანებებლად. გელი ორი სახის ბოჭკოსგან – ცილა-კოლაგენისგან და ნახშირწყლებ-გლიკოზამინოგლიკანებისგან შედგება. ულტრაიისფერი სხივების ზემოქმედებით, გელი პოლიმერულ დაფებად გადაიქცევა. მკვლევართა თქმით, მასალა აბსოლუტურად უსაფრთხოა ადამიანის ორგანიზმისთვის, ის არა მხოლოდ გულის, არტერიებისა და სისხლძარღვების „დასაკერებლად“ გამოიყენება, არამედ, ნებისმიერი სხვა ჭრილობისთვისაც გამოდგება.

ყველაზე მწარე ღვინო შექმნეს



ესპანურმა კომპანია Gik Live-მა, რომელიც თავისი უჩვეულო ღვინოებითაა ცნობილი, მომხმარებლებს მორიგი ექსკლუზიური სიახლე წარუდგინა. სასმელი, რომელსაც Bastarde უწოდებს, მსოფლიოში ყველაზე მწარე ღვინოა. ის Grenache-ს ჯიშის წითელი ყურძნისა და „ჰაბანეროს“ ჯიშის წინაკა ჩილისგანაა დამზადებული. თითო ბოთლ ღვინოს, დახლოებით, 125 გრამი წინაკა ემატება. მწარმოებლების თქმით, მათი მიზანი ისეთი ღვინოს შექმნა იყო, რომელსაც მხოლოდ ჭეშმარიტად გამბედავი ადამიანები გასინჯავდნენ. სასმელი შავი ფერის ბოთლებშია ჩამოსხმული და ონლაინ-მაღაზიებში იყიდება. მისი ფასი 11-დან 13 ევრომდეა. კომპანია ამ ღვინოს ექსპორტს ისეთ ქვეყნებში აპირებს, სადაც პოპულარულია მწარე კერძები, მაგალითად, ინდოეთში, კორეაში, ვიეტნამსა და მექსიკაში.

შვილებისთვის ყალბ ბიძებსაც ჰირაობენ



სამხრეთ კორეაში, სკოლის მოსწავლეების მშობლებმა კუნთებიანი მამაკაცების დაქირავება დაიწყეს, რომელთა მოვალეობაც ბავშვებისთვის სკოლაში გაყოლა და კლასელების ჩაგვრისგან მათი დაცვაა. ასეთ ადამიანებს „ყალბ ბიძებს“ უწოდებენ. ქვეყანაში არსებობენ კომპანიები, რომლებიც მომხმარებლებს სხვადასხვა პაკეტებს სთავაზობენ, რათა მშობლებს ჰქონდეთ გარანტია, რომ მათი შვილები სასწავლო დაწესებულებაში ბულინგის მსხვერპლნი არ გახდებიან.

30-40 წლის კუნთმაგარი „ბიძების“ დღიური მომსახურების ფასი საკმაოდ მაღალია და 450-დან 1790 დოლარამდე მერყეობს. ამ უჩვეულო სერვისის ამოქმედება მშობლების შიშს უკავშირდება – სკოლაში ჩაგვრა ბავშვებზე დიდ გავლენას ახდენს და ზოგჯერ ისინი თვითმკვლელობამდე მიჰყავს. სუიციდი კი, ქვეყანის ახალგაზრდა მოქალაქეების გარდაცვალების ყველაზე გავრცელებული მიზეზია.

სიცხის დამწვევი ადამიანის ქცევას ცვლის



ამერიკელმა სწავლულებმა ორეგონისა და ოჰაიოს უნივერსიტეტებიდან, დაადგინეს, რომ სიცხის დამწვევი ყველაზე გავრცელებული პრეპარატი – პარაცეტამოლი ჩვენს ქვეყანას ცვლის. მედიკამენტს, რომელიც პანადოლის, ტაილენოლის ან აცეტამინოფენის სახელებითაცაა ცნობილი და ტკივილგამამყუჩებელ, თუ სიცხის დამწვევ საშუალებად ვიყენებთ, შეუძლია, უფრო რისკიანიც გაგვხადოს. ექსპერიმენტებში 545 მოხალისე მონაწილეობდა, შედეგად, გამოვლინდა, რომ იმ პირებს, რომლებიც პარაცეტამოლის მოქმედების ქვეშ იყვნენ, მარცხის ნაკლებად ეშინოდათ და მეტად რისკიანიები იყვნენ. მოხალისეთა მეორე ნაწილი, რომელთაც მხოლოდ პლაცებო მიიღეს, მეტი თავშეკავებულობით გამოირჩეოდა. ასეთივე ეფექტი გამოიკვეთა ჩატარებული გამოკითხვებითაც. სწავლულთა მოსაზრებით, ამის მიზეზი, შესაძლოა, პრეპარატის მიერ, შფოთვის შემცირება იყოს.

სუიციდის სურვილს ცხვირის სპრეი აქრობს



კორონავირუსის პანდემიის დროს, ადამიანებს ფსიქოლოგიურ მომსახურებაზე წვდომა შეეზღუდათ, გაიზარდა სოციალური იზოლაცია და ცხოვრების წესიც ერთფეროვანი გახდა. თუ ამას სამსახურის დაკარგვა, ან ახლობლის გარდაცვალება ემატება, ცხადია, დეპრესია ჩნდება. ამის გამო, სპეციალისტები ვარაუდობენ, რომ მოსალოდნელია თვითმკვლელობების რიცხვის მკვეთრი ზრდა. პრობლემასთან გასამკლავებლად, კომპანია Johnson & Johnson-მა ცხვირის სპრეი – Spravato გამოუშვა, რომელიც დეპრესიაში მყოფ ადამიანებს სუიციდის სურვილს უქრობს. სპრეი შეიცავს ესკეტამინს, რომელიც საანესთეზიო პრეპარატის – კეტამინის მონათესავე მედიკამენტია, თუმცა მისთვის დამახასიათებელი გვერდითი ეფექტები არ ახასიათებს. თუ ანტიდეპრესანტების უმეტესობა პაციენტის განწყობის ამალღებას რამდენიმე კვირას ანდომებს, ამ ნაზალური სპრეის საშუალებით, სასურველი შედეგი 24 საათში დგება. ჯერჯერობით, სპრეი მხოლოდ გადაუდებელი დახმარების დაწესებულებებსა და ფსიქიატრიულ კლინიკებში გამოყენებისთვისაა გამოიზნული.

ელექტროდები ყავის ნალექიდან



ქიმიკოსებმა ლითიუმ-იონური ბატარეების ელექტროდების შესაქმნელად, ეკოლოგიური და იაფი მეთოდი შემოგვთავაზეს – ისინი მასალად ყავის ნალექს გამოიყენებენ. აკუმულატორებში უარყოფითი ელექტროდი, ხშირად, გრაფიტისგან კეთდება, სწავლულებმა კი მის ნაცვლად, უკვე გამოყენებული ყავის ნალექის გადამუშავება შემოგვთავაზეს, რომელსაც მსოფლიოში წარმოებული ყავის 90% ტოვებს. მისგან მიღებული ელექტროდები უფრო დიდხანს გამოიყენება და რაც მთავარია, ენერგომომხმარებასაც შემცირებს.

მსუქნებს ჯანსაღად კვებისთვის დააჯილდოებენ



ბრიტანეთის ხელისუფლებამ, მოსახლეობის ჭარბ წონასთან საბრძოლველად გეგმა შეიმუშავა და მსუქან ადამიანებს გარკვეულ შეღავათებს, ბონუსებსა და ფასდაკლებებს შესთავაზებს, თუ ისინი ცხოვრების ჯანსაღ ნებს მიმართავენ. ამ ინიციატივის ფარგლებში, სპეციალური აპლიკაციის მეშვეობით, მთავრობა დარეგისტრირებულ ადამიანებს, ხილისა და ბოსტნეულის მიღებაზე გააკონტროლებს. გარდა ამისა, გააკონტროლდება ოჯახის ხარჯები სუპერმარკეტებში და ვისაც მეტი ხილ-ბოსტნეულის შეძენით, კალორიების შემცირება დაუფიქსირდება, ჯილდოს მიიღებს. აპლიკაცია თვალ-ყურს მიადევნებს და დააჯილდოებს მათაც, რომლებიც მეტს ივლიან ფეხით სკოლასა თუ სამსახურში. ნისლიან ალბიონზე ვარაუდობენ, რომ ეს პროგრამა შეძლებს, რამდენიმე წლის განმავლობაში, მოსახლეობაში სიმსუქნის დონე შეამციროს.

ყავის ალტერნატივა დაასახელეს



ყავა ცნობილია, როგორც ბევრი სასარგებლო ნაერთის შემცველი სასმელი, ამავდროულად, მისი მირთმევა ყველასთვის არ შეიძლება. სპეციალისტები გვიჩვენებენ, ამ გამამხნეველი სასმელის ალტერნატივა მოვძებნოთ – პროდუქტები, რომლებიც ყავის მსგავსს, აქტიურ ნაერთებს შეიცავენ. მაგალითად, ორი სასარგებლო ნაერთი, რომლებსაც ყავის მარცვლები შეიცავს, ყავის მჟავა და ქლოროგენის მჟავაა. პირველს შეიცავს ფინიკი, შავი ქლიავი, ზეთისხილი, კარტოფილი, მზესუმზირა, დარიჩინი, კოჭა, ანისი, პიტნა და სხვა. ქლოროგენის მჟავას – შავი ქლიავი, მოცივი, ვაშლი, მსხალი, ატამი... კვლევათა უმრავლესობა გვიჩვენებს, რომ ეს ნაერთები ზემოქმედებას ახდენენ სასიგნალო გზებზე, რომლებიც ხელს უწყობენ ქრონიკული დაავადებების, მათ შორის, სიმსივნის განვითარებასაც. ეს ნაერთები ანეიტრალენ თავისუფალ რადიკალებს. თავგებზე ჩატარებულმა კვლევებმა აჩვენა, რომ ყავისა და ქლოროგენული მჟავები, ჭამის მერე, სისხლში შაქრის დონის მატებას არ იწვევენ.

საზიზღარი სასმელის გამოფენა გაიხსნა



საზიზღარი საჭმლის მუზეუმში, რომელიც შვედეთში, ქალაქ მალმეში მდებარეობს, ახალი, სამთვინი გამოფენა გაიხსნა. ამ გამოფენაზე ყველაზე ცუდი, გულმიუსვლელი ალკოჰოლია წარმოდგენილი. უჩვეულო ექსპონატებს შორისაა შოტლანდიური ლუდი 55%-იანი სიმკვრივით, რომელიც ციყვის ფიტულიან ბოთლშია ჩამოსხმული. ასევე, ძველი სამხრეთკორეული ღვინო, რომლის ფერმენტაციაც ბავშვის ფეკალიებისა და ბრინჯის გამოყენებით ხდება (მას სამკურნალოდ მიიჩნევენ).

გამოფენაზე წარმოდგენილია ისლანდიური ლუდი ცხვრის შებოლილი ნაკელისგან, ამერიკული ღვინო, რომელიც გადამწიფებული ფორთოხლისგან კეთდება და ციხის ტუალეტშია დადუღებული. ღვინო პერუდან, რომელიც სიმინდის ფეკლისგან მზადდება, ფერმენტაციისას კი ნერწყვი გამოიყენება, ასევე, ბანანებზე დაყენებული ჯინი უგანდიდან და კიდევ ბევრი სხვა უცნაური სასმელი.

„მსოფლიოს მასშტაბით, ადამიანები ცდილობენ, რაიმე სასმელით გამოთვრნენ. ამიტომაც, როცა ალკოჰოლის ნაკლებობას განიცდიან, მეტად გამომგონებლები ხდებიან. ამის დასტურია ჩვენი გამოფენაც“, – ამბობს მუზეუმის დირექტორი, ანდრეას არსენი.

დამთვალეირებლებს საშუალება ეძლევათ, დაყნოსონ ან დააგემოვნონ კიდევ გამოფენაზე წარმოდგენილი ზოგიერთი სპირტიანი ექსპონატი. მუზეუმში სპეციალური დაფაცაა, რომელზეც აღნიშნავენ, რამდენი დღე გავიდა მას შემდეგ, რაც ამ ყველაფრის შემდეგ, დამთვალეირებელს გული აერია – ამჟამად, დაფაზე ამგვარი, 98 შემთხვევაა დაფიქსირებული.

„ჭკვიანი“ პირბადე LG-გან



ბოლო პერიოდში, ვირუსისგან დამცავი პირბადე საზოგადოების განუყოფელ ატრიბუტად იქცა. არაერთი საინტერესო და უჩვეულო ეგზემპლარიც ვიხილეთ, თუმცა კომპანია LG-ის ჰაერის გამწმენდმა რესპირატორმა ყოველგვარ მოლოდინს გადააჭარბა. მოწყობილობას PuriCare Wearable Air Purifier უწოდეს. მას ორი ვენტილატორი, ორი ფილტრი, რესპირატორული სენსორი და სუნთქვის სიხშირის გამზომი აქვს ჩამონტაჟებული. პირბადის ავტორების თქმით, მოწყობილობას ერთი დამუხტვა 8 საათს ჰყოფნის. ჯერჯერობით, „ჭკვიანი“ რესპირატორის ღირებულება უცნობია, თუმცა ვარაუდობენ, რომ მისმა ფასმა 250 დოლარს არ უნდა გადააჭარბოს.

ძროხებს ტუალეტში სიარული ასწავლეს



გერმანელმა სწავლულებმა დაამტკიცეს, რომ სრულებით შესაძლებელია, ძროხებს სპეციალური ტუალეტით სარგებლობა ასწავლო. დუმერსდორფის შინაური ცხოველების ინსტიტუტის სპეციალისტებმა, ცხოველებს მათთვის მოწყობილი საპირფარეოთი სარგებლობა ასწავლეს – ამ ექსპერიმენტში 16 პირუტყვი მონაწილეობდა. ისინი ტუალეტში რიგრიგობით მიჰყავდათ და მოშარდვის შემთხვევაში, საკვებს აძლევდნენ. თუ ძროხები ტუალეტით დამოუკიდებლად სარგებლობდნენ, ისინი საკვებს კვლავ იღებდნენ, მაგრამ თუ სხვაგან მოშარდავდნენ, 3 წამის განმავლობაში, წყლით წუნავდნენ.

ამგვარი, ათდღიანი „სწავლების“ შემდეგ, 16-დან 11 ძროხა, 75% შემთხვევაში, დამოუკიდებლად მიდიოდა საპირფარეოში. მკვლევარების თქმით, ეს სერიოზული ნაბიჯი იქნება გლობალურ დათბობასთან ბრძოლაში, რადგან ძროხის შარდი გრუნტთან რეაქციაში შედის და სათბურის ეფექტის მქონე აზოტის ქვეყანგი წარმოქმნება. ატმოსფეროში მოხვედრილი გაზების 10%-მდე, სწორედ საქონლის ფერმების „დამსახურებაა“. ასეთი ტუალეტების დანერგვით კი, ატმოსფეროში ამიაკის მოხვედრა 56%-ით შემცირდება.

ინსულტმა შიმშილის გრძნობა გაუქრო



კანადაში პირველი შემთხვევა დაფიქსირდა ისტორიაში, როცა ინსულტგადატანილ ქალს, ერთი წლის განმავლობაში, შიმშილის გრძნობა საერთოდ გაუქრა. 28 წლის ორსული, საავადმყოფოში, სხეულის მარჯვენა ნაწილის დამბლითა და მეტყველების დარღვევით მოხვდა. მას იშემიური ინსულტის დიაგნოზი დაუსვეს. მკურნალობის შემდეგ, სახლში განერილი პაციენტი მხოლოდ აცეტილსალიცილის მჟავას (ასპირინი) იღებდა. 6 თვის შემდეგ, მისი მდგომარეობა გაუმჯობესდა, თუმცა ქალმა აღმოაჩინა, რომ მთელი ამ ხნის განმავლობაში, შიმშილის გრძნობა არ გასჩენია და საკვებს არ იღებდა. ექიმებმა პაციენტი ისევ გამოიკვლიეს და აღმოაჩინეს, რომ კალორიების უკმარისობის მიუხედავად, ქალი არანაირი ფიზიოლოგიურ სიგნალს არ იღებდა იმის შესახებ, რომ საჭირო იყო საკვების მიღება. შიმშილის გრძნობა მას ინსულტიდან მხოლოდ 15 თვის შემდეგ დაუბრუნდა. მედიკოსების თქმით, ასეთი სიმპტომის მიზეზი ტვინის იმ ნაწილის დაზიანება გახდა, რომელიც პასუხისმგებელია გემოებზე, მადასა და ენერგეტიკულ ბალანსზე.

ჩვილს ენა დაუპატარავეს



ახალშობილს, რომელიც აშშ-ში, ოკლაჰომას შტატში დაიბადა, ცოტა ხნის წინ, ენის დაპატარავების ოპერაცია ჩაუტარდა. ბავშვი გენეტიკური ანომალიით დაიბადა – მისი ენა ნორმალურ ზომაზე ორჯერ მეტი იყო. მაკროგლოსია – ასეთი დიაგნოზი დაუსვეს პატარას, რაც ბეკვიტ-ვიდემანის სინდრომითაა გამოწვეული. ამ დროს ენა იმდენად დიდია, რომ ის პირში არ ეტევა და ბავშვს სუნთქვას, ჭამასა და ურთიერთობასაც უშლიდა. მშობლებს ურჩიეს, რაც შეიძლება მალე გაეკეთებინათ მისთვის ოპერაცია. შედეგად, ქირურგებმა ჩვილს თითქმის ორჯერ დაუპატარავეს ენა. ის ახლა თავიდან სწავლობს ჭამას, დალევას და ურთიერთობასაც.

წლის გავლენიანი ადამიანები დაასახელეს



ამერიკულმა გამოცემა Time-მა, 2021 წლის ყველაზე გავლენიანი 100 ადამიანის სია გამოაქვეყნა. მასში სუსტი სქესის 53 წარმომადგენელი და 47 მამაკაცია. რეიტინგის მონაწილენი, ტრადიციულად, რამდენიმე კატეგორიაში გაანაწილეს. „კერპების“ კატეგორიაში შევიდნენ პრინცი ჰარი და მეგან მარკლი, მომღერლები ბრიტნი სპირსი და დოლი პარტონი, იაპონელი ჩოგბურთელი ნაომი საკა, რუსი პოლიტიკოსი ალექსეი ნავალნი. „პიონერებში“ მოხვდნენ მომღერალი ბილი აილიში, ამერიკელი ტანმოვარჯიშე სუნისა ლი, კანადელი დიზაინერი ავრორა ჯეიმსი, თურქი ეკონომისტი ფათიხ ბიროლი და სხვები. „ტიტანებში“ აღმოჩნდნენ Apple-ის მეთაური ტიმ კუკი, ბენინელი მომღერალი ანჟელიკა კიჯო და რეპერი ტიმბალენდი. ხელოვანებს შორის, ყველაზე გავლენიანებად დაასახელეს ქეთ უინსლეთი და სკარლეთ იოჰანსონი, მსახიობი დენიელ კალუია და მხატვარი ბარბარა კრიუგერი. „ლიდერების“ კატეგორიაში შევიდნენ აშშ-ს პრეზიდენტი ჯო ბაიდენი და ვიცე-პრეზიდენტი კამალა ჰარისი, ექს-პრეზიდენტი დონალდ ტრამპი, ჩინეთის მეთაური სი ძინპინი, „თალიბანის“ ლიდერი აბდულ განი ბარადარი. „ნოვატორებად“ კი ილონ მასკი, Nvidia-ს პრეზიდენტი ჯენსენ ჰუანგი და იაპონელი არქიტექტორი კენგო კუმა დასახელდნენ. ჟურნალის მკითხველთა აზრით, წლის ყველაზე გავლენიანი ადამიანი, არც მეტი, არც ნაკლები, მომღერალი ბრიტნი სპირსია.

საუკუნის მიღწეულაბს ღვინოს ჩუქნიან



შვეიცარიის ქალაქ ფრინურში, ადგილობრივი ხელისუფლება ყოველ მცხოვრებს, რომელსაც 100 წელი შეუსრულდება, საჩუქრად 100 ბოთლ ღვინოს გადასცემს. 2000 წლის შემდეგ, იუბილარებს საჩუქრის არჩევის უფლება მიენიჭათ – ღვინის ნაცვლად, შეუძლიათ 1500 ფრანკი გაიღონ ქველმოქმედებისთვის, ან ადგილობრივი ბიზნესის განვითარებისთვის. გასულ წელს, 27-მა დღეგრძელმა ადამიანმა უკვე მიიღო მთავრობისგან ასეთი საჩუქარი: ხუთმა მათგანმა ქველმოქმედება აირჩია, ორმა – სასაჩუქრე სერთიფიკატი, დანარჩენებმა – ალკოჰოლური სასმელი, რათა საუკუნოვანი დაბადების დღე ახლობლებისა და მეგობრების წრეში აღენიშნათ.

წლის საუკეთესო ქალაქები დაასახელეს



გამოცემა Time Out-ის წარმომადგენლებმა მთელ მსოფლიოში, ქალაქების მცხოვრები 27 ათასი ადამიანი გამოკითხეს და შედეგად მსოფლიოს საუკეთესო ქალაქების რეიტინგი შეადგინეს. კრიტერიუმებში, რომლებითაც საუკეთესოები გამოავლინეს, კულტურული ღირსშესანიშნაობები, რესტორნები, ღამის ცხოვრება, მოსახლეობის სიმჭიდროვე პანდემიისას, ეკოლოგიური ინიციატივები და მოსახლეობის კეთილგანწყობა შედიოდა. რეიტინგის სათავეში სან-ფრანცისკო აღმოჩნდა. საუკეთესოთა ათულში შევიდნენ, ასევე, ამსტერდამი, მანჩესტერი, კოპენჰაგენი, „დიდი ვაშლი“ ანუ ნიუ-იორკი, მონრეალი, პრაღა, თელ-ავივი, პორტუ და ტოკიო.

ნამცხვრები თუნუქის ქილებში



ტოკიოში, დესერტების მაღაზია Parfaiteria Bel, ტკბილეულის მოყვარულებს ფერად-ფერად და ფენებად ჩაწყობილ ფხვიერ ნამცხვრებს სათვავობს, გამჭვირვალე თუნუქის ქილებით. დღესდღეობით, მაღაზიაში ასარჩევად სამი სახის დესერტია – მარწყვის, მოცვისა და ციტრუსის. თითოეული ქილის ფასი 900 იენიდან იწყება. ყოველი ქილა ლამაზადაა შევსებული ნაღებით, ბისკვიტითა და ხილის ჯემით. ახალი მარწყვითა და ათქვეფილი ნაღებით გაფორმებული ნამცხვარი ქილაში, მსურველებს 1100 იენი დაუჯდებათ.

სწრაფი კვების აკრძალვა სურთ



ნიდერლანდებში, შესაძლოა, ფასტფუდი აიკრძალოს. სიმსუქნესთან ბრძოლის ფარგლებში, ქვეყნის სულ ცოტა, ხუთმა ქალაქმა მხარი დაუჭირა ამ ინიციატივას. სწრაფი კვების რესტორნების დაკეტვის მომხრეები არიან ამსტერდამის, როტერდამის, ჰააგის, უტრეხტისა და ედის ხელისუფლებაში. ამავე დროს, ჩინოვნიკები აღიარებენ, რომ პრობლემებს თავს ვერ აარიდებენ, რადგან ფასტფუდის ობიექტებში პროდუქტების შეტანის აკრძალვის საკითხი მეტად რთული იქნება, გარემოსდაცვითი კანონიდან გამომდინარე. როგორც ადგილობრივი მედია წერს, კვება – ეს ადამიანის ინდივიდუალური არჩევანია და მუნიციპალიტეტებსა და ხელისუფლებას არ აქვს უფლება, ჩაერიოს ამ პროცესში. თუმცა ქვეყნის ჯანდაცვის სამინისტრო საკითხის შესწავლას გეგმავს, რათა რეგიონებს უფრო მეტი უფლებები მიეცეთ და საკვები გარემოს გაჯანსაღებაში დახმარება შეძლონ.

ვერსია

მისამართი: ქ.თბილისი, სანკტ-პეტერბურგის ქ. 7.

UDC(უაპ)070.48.32(479.22)3-387

დაფუძნებულია და მთავარი რედაქტორი
მაია ფურცელაძე (599) 62-88-77

ღიზანდერი – გიორგი ლომსაძე

e-mail: versiaprinti@yahoo.com www.versia.ge

ტელ: +995 32 294 23 99



დაცულია საავტორო უფლებები. რედაქციაში შემოსული მასალები უკან არ ბრუნდება. სტატიებში მოყვანილ ფაქტებსა და ინფორმაციის სიზუსტეზე პასუხს აგებს ავტორი. პრეტენზიის შემთხვევაში დაგვიკავშირდით 14 დღის განმავლობაში.